



सानसेयारि 'बड'सा' खीरालाह्याव
स्मान्ज्यादि जिज्जो लोब्बा थानाय रायथाय, खन्थाय,
सल', सल'बाथा आरु देवबायादि थावनि, पार्क
बाइदिनि स्थायाव लिन्नाय लिन्बिदां दैथाय ठर/
सानसेयारि 'बड'सा' खीरालाह्या स्वेबखानावै
फोसावगोब।
बड'सायाव लिन्हरनायनि हुदा खालाम,
'बड'सा' खीर नोथ, जो बयबो आंगो खालाम।

सानसेयारि बड'सा मावखुलि
माइबं नोगर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 3 January, 2024 Kokrajhar, BTC, Assam ★ Vol.- 33, Issue No. 278 ★ R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-

गागि सावरायगिरि आरु
राइथायगिरि धनि
बरानिसिम 2023
बोसोरनि क्रान्तिकाल
साहित्य सन्मान

एबसुनि थान्दै हान्जाया बड'लेन्ड मुलुग सोल्लोसालि आरु कक्राझार फाहामथाय फरायसालिमायाव नायसंफेदों बि टि सिनि सदर कक्राझाराव फाहामथाय फरायसालिमा, सिभिल फाहामसालि थानायनि उनावबो पस्टमर्टेम आन्जादनि राहा गैया: दिपेन

गिबि मन्थिआ राइज्योयाव थानाय
गं 1 रोजा गावयारि खोन्दोनि
माझासाखौ बन्द खालामनो फोसावदों

गुवाहाटी, 2 जानेवारी: इराजि
गोदान बोसोरनि गिबि सानावनो
राइज्योनि माझासाफोरखौ लानानै
गिबि मन्थिनि गोनां थार
फोसावथाय। 2024 बोसोराव
राइज्योयाव थानाय गासै गं 1
रोजा गावयारि खोन्दोनि माझासाफोरखौ बन्द खालामनो फोसावदों।
आथिखालाव राइज्योयाव गासै गं 3 रोजा माझासाफोरखौ सोलिगासिनो
दड', नाथाय 2024 बोसोराव गं 1 रोजा माझासाखौ बन्द खालामनो
थाखाय थांखि लागोन गिबि मन्थिआ। गोदान बोसोरनि गिबि
सानावनो गिबि मन्थि उ हिमन्त बिश्व शर्मा आ फोरमायोदि,
राइज्योयाव सोलिबाय थानाय (□ 5 बिलाइआव)

गुवाहाटी, 2 जानेवारी:
नगावनि क्रान्तिकाल
पाब्लिसारआ 2023 बोसोरनि
क्रान्तिकाल साहित्य सन्मानखौ
गागि सावरायगिरि आरु
राइथायगिरि धनि बरानो गथायो।
1955 माइथायाव गलाघाटआव
जोनोम मोन्नाय धनि बराआ
1977 माइथायाव सप्ताहयारि
'निलाचल' खौरां लाइयाव
(□ 5 बिलाइआव)

कक्राझार, 2 जानेवारी: 2024 माइथाय
गोदान बोसोरा जागायजे नबाय।
बड'लेन्ड मुलुगसोल्लोसालि आरु
कक्राझार फाहामथाय फरायसालिमा
फाहामसालिनि थानाय समफोरनि बायदि
थासाफोरखौ साना लासेनो आफां
आसाम एबा बड'लेन्डनि गोजौ
सोल्लोथाय फसंथान गंनैखौ गोदान
बिथिडाव सिगांलां होनो बिबान



आजावना लादों बर' हरिनि हरियारि
आफाद दुलाराय बर' फरायसा आफाद
(एबसु) आ। मख'नो गोनांदि, दिने
फरायसा आफादनि आफादगिरि दिपेन
बर'नि दैदेन्नायाव एबसुनि मिरु आफाद
आरु कक्राझार जिल्ला एबसुनि मोनसे थान्दै
हान्जाया गंनैबो गोजौ सोल्लोथाय
फसंथानखौ नायसंहेनानै बिफानजों गोनां थार
जथुम खुंदों। (□ 5 बिलाइआव)

गसाइगावआव सासे लाइमोनखौ खासि-
बिस्रियै बुथारनाय जाथाय सोमजिदों

गुवाहाटीयाव माहारियारि बेराम सामलायथाय मिरुनि
आन्सलिक दालाइनि अन्थाइ खाम्फा गायसन्दों

बिजेपि-आरएसएसआव थाफानायनि थाखाय
फिसाज्लाखौ बुथारनायनि अजद दैखांदों नख'रा

गुवाहाटी, 2 जानेवारी: मिरु
देहा आरु नख'र अन्साय
बिफाननि मन्थि उ मनसुख
मान्डबियाआ दिने गोदान
दिल्लीनिफ्राय भाशुवेल बिजोंजों
आसामनि कामरुप जिल्लानि
रानीयाव गायसनजानो गोनां
माहारियारि बेराम सामलायथाय
मिरुनि दख'रा दालाइ मिरुखौ
अन्थाइ खाम्फा गायसनो। बेखौ



लोब्बा लानानै दिने माहारियारि
देहा बिथांखि, आसामनि गाहाइ
मावखुलियाव खुंनय मेलयाव
गाहाइ आलासि महरै देहा आरु

नख'र अन्साय बिफाननि मन्थि
केशव महन्त आरु गुवाहाटी
लकसभा बियाबनि एमपि
मुस्निमा कु इन अजामोनहा
बाहागो लाफेदों। आसामनि
कामरुप जिल्लानि सिडाव
थानाय रानी जुथाय
(□ 5 बिलाइआव)

गसाइगावआव
सुबुं खुंथाय सान
फालिथायनि
थाक-थियारि
मेल खुंदों

गसाइगाव, 2 जानेवारी:
हादतजों लोगोसे सुबुं खुंथाय
सानखौ गसाइगाव
महकुमायावबो फालिनो थाखाय
दिने गसाइगाव महकुमानि
महकुमा बेंगिरि मावखुलिनि
सावराय न'ब्लाडाव मोनसे
थाक-थियारि मेल खुंनय
जायो। महकुमा बेंगिरि
आरन्त्यक शइकियानि दैदेन्नायाव
खुंनय मेल्याव महकुमा पुलिस
बिबानगिरि हिरेन कुमारजों
(□ 5 बिलाइआव)



गसाइगाव, 2 जानेवारी: कक्राझार जिल्लानि गसाइगाव पुलिस
थानानि सिडाव थानाय हुदुमखाता गामियाव थानाय हराव सासे
लाइमोनखौ खासि-बिस्रियै बुथारनाय जाथाया ओन्सोल नाडै-नो
गोखौ फिनजाथाय सोमजिदों। सुलुडा फरमायनाय बादिब्ला,
हुदुमखाता गामिनि थागिरि दिलिप सरकारनि देरसिन फिसाज्ला
आरु जयमा बाजारनि फालांगिरि (□ 5 बिलाइआव)

एबसुनि गाइसनगिबि गाहाइ नेहाथारि रुंसारि
कनकेस्वर नाज्जारिनि 81थि जोनोम सान फलिदों
कनकेस्वर नाज्जारिया सासे बर'नि रियेल हिर'मोन: दिपेन बर'

कक्राझा, 2 जानेवारी: दुलाराय बर'
फरायसा आफादनि गायसनगिबि गाहाइ
नेहाथारि रुंसारि कनकेस्वर नाज्जारिनि 81थि
जोनोम सानखौ दुलाराय बर' फरायसा
आफादआ कक्राझार जिल्ला दुलाराय बर'
फरायसा आफादनि मददजों रामफलबिल
दख'रानि सिडाव थानाय सोनाब टेडइगाव
गामिनि गेलेग्रा फोथाराव दिने मेहेरगोनां
हाबाफारिजों फालिनाय जादों। हाबाफारि
बादियै फुंबिलिनि गोथार आर'जखौ
जागायनानै आफादनि गोथार फिफिलाखौ
बिरहोयो दुलाराय (□ 5 बिलाइआव)



मिरु एबसुजों खुंजानाय मिरु
रोंगौथि सायख' आन्जाद-2023
नि फिथाइखौ फोसावबाय

मुसलपुर, 2 जानेवारी: मिरु एबसुजों खुंजानाय 8थि मिरु रोंगौथि
सायख' आन्जाद-2023 इ माइथायनि फिथाइखौ मिरु रोंगौथि
सायख' आन्जादनि मासिगिरि बि. सोमखोर बसुमतारिया
दिने फोसावबाय।
फरायसाफोरनि इयुन जिउ
दानाय थांखिजों गुबुन
गुबुन बोसोराव मिरु
रोंगौथि सायख'
आन्जादखौ मिरु एबसुआ
खुंबोनाय बायदिनो देलाय
बोसोरावबो थानाय 2023 इ माइथायनि 17 डिसेम्बराव खुंनय
जादोंमोन। गासै आसाम नाडैनो खुंजानाय बे मिरु रोंगौथि सायख'
आन्जादखौ गु आरु जि थाखोनि थाखाय खुंनय जादोंमोन। देलाय
बोसोरनि मिरु रोंगौथि सायख' (□ 5 बिलाइआव)



राइज्यो सरकारनि फोसावथायाव
एनआइएएसनि डिएलएड टेट
उथिसारनाय बिजाथिफोरा जिंगासिनांदों
तामुलपुराव माखासे बिजाथिफोरा
फिन्जाथाय फोरमायदों

तामुलपुर, 2 जानेवारी: आसाम सरकारनि सोल्लोथाय
बिफाननि गांसे फोसावथाया राइज्यो नाडैनो फिन्जाथाय
सोमजिहोदों। राइज्यो सरकारनि गुदि सोल्लोथाय बिथोनगिरि
मावख'निफ्राय दिने गांसे फोसावथाय दैथायहरनानै
फोरमायदेंदि, आसाम गुदि सोल्लोथाय बिथोनगिरि मावख'आ
गुदि आरु गोजौ गुदि फोरेंगिरि थिसन्थायनि थाखाय
फोसावनाय-(ए) आरु फोसावनाय-(बि) फोसावदोंब्लाबो
भारतनि मान गोनां गोजौसिन बिजिरसालिया 28/11/2023
अक्तरखालि एसएलपि (सि) (□ 5 बिलाइआव)

बरिमाखा दख'रा एबसुनि सनाथि
माइथाय फोर्बो फालिनो साखा-फारा
फैगौ 5, 6 आरु 7 जानेवारिखालि सानथामनि हाबाफारिजों खुंजागोन

गरेस्वर, 2 जानेवारी: बाक्सा
जिल्लानि सिडाव थानाय
बरिमाखा दख'रा दुलाराय बर'
फरायसा आफादनि सनाथि
माइथाय फोर्बो फालिथाय खुंनो
थाखाय साखा-फारा जादों।
सोलिफु गोदान बोसोर 2024
इ माइथायनि फैगौ 5, 6 आरु
7 जानेवारिखालि सानथामनि
मेहेर गोनां हाबाफारिजों
दख'रानि सिडाव थानाय



बरिमाखा जावलिना देवान
फोथाराव खुंनो थाखाय थि
खालामनाय जादों। बे सनाथि
माइथाय फोर्बो फालिथायखौ
गाजा-गोमजाय आरु जाफुंसारे
खुंनो थाखाय दासान्दि थाग
थियारि खालामनाय हाबाफारिया
मुखुबै सोलिगासिनो दड आरु
थाग थियारि खालामनाय
हाबाफारिया दासिम 80
(□ 5 बिलाइआव)



भारत बिसायख'थि आफाद

बिसायख'थिनि भ'टार मुं फारिलाइयाव नांथांनि मुंखौ नायग्रोम



घड़ीया खारगासिनो
गोखै खालाम!

सुफुंबिलाइ जमा
होनायनि जोबथा खालारा जाबाय
08-01-2024

नांथांनि मुंखौ नायगिरिदो

- जिल्ला बिसायख'थि मावख'गिरिनि मावख'आव (DEO)
- ERO/सार्कल मावख'आव
- नोथांनि खाथिसिन भ'टार मिरुआव
- जोनि वेबसाइट आव
www.ceoassam.nic.in

सुफुंबिलाइ 6खौ आबुं खालामनानै
नोथांनि मुंखौ रेबथुम

थिसननायनि हेँथा होनाय एबा
बोखारनायनि थाखाय सुफुंबिलाइ 7खौ
आबुं खालाम

थिसननायनि सोलायनाय एबा
सुद्रायनायनि थाखाय सुफुंबिलाइ 8खौ
आबुं खालाम

गुवारै मिथिनी थाखाय नोथांनि
बुथ थाखोनि मावख'गिरिनियाव (BLO)
सुलाद ला

SSR2024

गाहाय बिसायख'थि मावख'गिरि, आसामजों फोसावजानाय

Follow

[@ceosassam](https://www.facebook.com/ceosassam)
[@ceosassam](https://www.instagram.com/ceosassam)
[@ChiefElectorOfficerAssam](https://www.youtube.com/channel/UC...)

सग-जन खालाम
voters.ecl.gov.in

गुवारै मिथिनी थाखाय
नोथांनि BLO नियय
सुलाद ला

नाखगिरि बिसायख'थि मुं
फारिलाइयाव
electoratesearch.ecl.gov.in

भ'टार हेल्पलाइन एप्यनि
जो हेँ डाउनलद खालाम

Janasanyog/DF/2288/23/03 January 2024

सुजुगिरिनि खोलोम

सुबुं सिबिनायानो इश्वोर सिबिनाय

धोरोमनि बेलायाव बयहाबो उदां सानस्रि लानानै गावबा-गावनि नेम खान्थिजो फालिनाय एबा सिबिनाया हालामाव गोजोन लाबोनायाव मदत खालामो। जाय जेखौ फोथायदों बेवहायनो सैथोखौ मोन्दों गोजोन लादों। मुलुगयाव ईशोरखौ जाय जेरैखि मुं दोन्नानै गाबजिया सिबिया मानो थोंजोडै एबा खेंसालियायै लामाया जेरैखि थाडा मानो सौहैनाय थांखिया नाथाय मोनसेयानो। बेनिखायनो जायखि जेखि लामाजों हान्थिनानै ईशोरखौ सिबियामानो सौहैगोन जायगायाबो मोनसेयानो।

धोरोमनि बाध्या रावबो-रावखौबो थांखिनानै एबा मुं सुनानै दुसिलायनायनि बाध्या फैया। धोरोमा गावबा-गावनि जिउनि गोसो-गोबॉनि थाखायसो, गुबुननि थाखाय नडा। गावनि जिउ खानाय आरो गोजोन जिउमानि थाखायसो सुबुडा धोरोमखौ बोज'बो। गुबुननि थाखाय धोरोमखौ सरजाबानानै समाजनि बेले बेजे थासायिखौ फोजोबनो नागारै सुबुडोरनि गेजेराव आथिखाल मुगानि रं-बेरनि थासायि लाबोबो नाजानायानि दिनै गावबा-गाव जिउनि गोजोन सोलेर मोनहोनायनि अनगा रं-खावरिजों गुबुले खालामनो नाजानायखौ नुनो मोनसै। जायनि बिजाउनाव दिनै मुलुगनि दाब-दाब हादतफ्राव धोरोमारि गुलाय-गुजाय जानाय आरो गावबा गावनि धोरोमखौ गुबुननिफ्राय गोजौसिन थाखायाव दोन्नो जाहिर खालामनाय गोबां बिदिन्थि दंसै। धोरोमनि मुडाव गुबुनखौ सुसिनाय, धोरोमनि मुडाव इनाय-अनागारि हाबा मावनाय, धोरोमनि असिला होनानै समाजआव फाराग लाबोनाय आरो गुबुले थासायि सोमजिहोनाया समाज बेरेखाफोरनि थाखाय एंगारनो हायै हाबा बादिसो नुजालांबाय बहुमाव।

गुबैयै सुबुं सिबिनायानो थार इसोर सिबिनायनि समान। संसाराव गोजोन लाखिनाय,मोजां हाबा मावनाय,गुबुननि दुखुयाव दुखु जापानाय आरो अन्नो रॉनायानो गुबै इसोर सिबिनाय। धोरोमनि बोसोन आरो धोरोमनि ज्ञान सोलॉंथायफ्राव मा दं मा गैया बेफोरखौ बुंनगौनि गोनांथि गैया। नाथाय गुबुन गुबुन हादत आरो हारिफ्रा जैरै खौसैयै थानानै दं बे रोखोमैनो जौंनि हादतयाबो गुबुन गुबुन राव,धोरोम,बोरोननिब्लाबो खौसैयैनो थानो हानाय जादों ,बेबादिनो गुबुन गुबुन बियाबयाव गोसारदलानानै थानाय बर'फ्राबो बहुमाव थानानै दं।

तामुलपुर गागि नोगोरारि मन्चनि भवन लुनो अन्थाइ खाम्फा गायसन्दों



तामुलपुर, 2 डिसेम्बर: तामुलपुर जिल्ला सदरआव थानाय गागि नोगोरारिफोरनि जथाय मन्च तामुलपुर गागि नोगोरारि मन्चनि भवन लुनो अन्थाइ खाम्फाखौ इंगरजि गोदान बोसोरनि गिबि सानखालि गायसन्नानै होयो बिटिसिनि गाहाइ मावफुं सोद्रोमा प्रमद बर'आ। तामुलपुर बियाबनि एमएलए जलेन दैमारी आरो बिटिसिनि एमएसिएलए हेमन्त कुमार रभाणि नुजाथिनायाव गागि नोगोरारि मन्चनि भवन लुनायनि अन्थाइ खाम्फा गायसन्नानै बिटिसिनि गाहाइ मावफुं सोद्रोमा प्रमद बर'आ बुझेदि, तामुलपुरनि गागि नोगोरारिफोरनि जथाय तामुलपुर गागि नोगोरारि मन्चनि बे भवन लुनायनि जाउनाव गोलाम समनि मोनसे आंखाला सुफुंजासिगोन। अन्थाइ खाम्फा गायसन्नाय हाबाफारियाव आसाम सरकारनि बारा' मन्थि पदुम बाहादुर चौहान, तामुलपुरनि बारा' एमएलए चन्दि बसुमतारि, गागि नोगोरारि मन्चनि आफादगिरि सुन रभा, नेहाथारि लहित दासनि अनगायैबो गागि नोगोरारि मन्चनि गोबां सोद्रोमाफोर बाहागो लायो।

राम मन्दिर गायसन्तो थाखाय अरुण य'गिराजनि मुसुखाखौ सायख'दों

मेसुरु, 2 जानुवारि: बिजेपिनि गागि दैदेनगिरि आरो कनटिकनि बारा' गिबि मन्थि बिएस येदियुरप्पाआ समबारखालि बुंदोंदि, राइज्योनि मुंदांखा मुसुखा बानायग्रा अरुण यगिराजनि गेजेरजों बानायनाय राम लिलानि मुसुखा आय'ध्याआव समायना राम मन्दिरनि राभाखौ बांहोगोन। गाहाइ मन्थि नरेन्द्र मदिआ 22 जानुवारियाव राम मन्दिरखौ बेखेवगोन। सशेल मिडिया प्लेटफर्म, एक्सआव गावनि गोजौन्नाय फोरमायनानै येदियुरप्पाया बुंदोंदि, मेसुरुनि मुसुखा बानायग्रा अरुण य'गिराजनि गेजेरजों बानायनाय भगवान रामनि मुसुखाखौ अय'ध्यानि समायना थ्रियाम



मन्दिरआव गायसन्तो थाखाय सायख'नाय जायो। बेजों राइज्योनि गासैबो राम सिबियारिफोरनि गौरब आरो खुसिआ नै गुण जादों। शिल्पी य'गिराज अरुणनो गोथोयै साबायख'र जासियो। कर्नाटकनि मैसुरुआव अय'ध्यायाव गायसनजानो गोनां राम दरबारनि मुसुखा बेखेवगोन। बे मुसुखाफोरखौ

बेखौबो बुंदोंदि, कर्नाटकनि भगवानआ रामजों गोथौ सोमोन्दो दड, मानोना किष्किन्थाया बे राइज्योआव दड। किष्किन्थायावनो भगवान रामनि गिदिर सिबियारि हनुमानआ जोनोमो मोन्दोंमोन। मख'नो गोनांदि, अय'ध्यानि राम मन्दिरआव सिबियारिफोर भगवान रामनि दर्शन खालामनायजों लोगोसेनो मोनसे घडिआव हादरफोरनि समखौबो नायनो हागोन। बे घडिआव भारतनि अनगायै रसिया, दुबाइ, जापान, सिंगापुर, चीन, मेक्सिक, आमेरिका आरो कानाडानि समखौ दिन्थिगोन। फतेहपुरनि थागिबि अनिल साहुआ बे घडिखौ डिजाइन खालामदों।

मणिपुरआव फिन हिंसायारि जाथाइ, सा 4 गुलि नांना जिउ ख'हा जायो

इम्फल, 2 जानुवारि: मणिपुरनि थौबल जिल्लायाव एसेल' सुबुं अन्जिमा गोनां लिलं चिंजाअ ओन्सोलआव थासायिया मंगलबारखालि गोजोनब्लाबो जेंना गोनां जायो। राइज्यो आरो मिरु रेखाथि हान्जाफोर सांग्राडै थासायिखौ सामलायनायाव नांथाबदों। सासे बिबानगिरिआ बुंदों, सिनायमोनै गागलोबग्राफोरा साब्रं गामियारिफोरखौ गुलि गावना जिउ फोजोबदों। फारसेथिं गोब्राब जोखोम जानाय सानै गुबुन सुबुंफोरखौ इम्फलनि गंसे देहा फाहामसालियाव थिसन्ना आइसिइउआव फाहामथाइ होगासिनो। समबार मोनायाव सिलाइ लानानै फैनाय दुथांफोर छयवेशी कसाब गानानै सासे सुबुंनाव लिलं चिंजाअआव थानानै दाबिहैयो, जेराव दावराव-दावसि जायो। सासे बिबानगिरिया फोरमायदोंदि, जेब्ला जायगानि सुबुंफोरा दुथांफोरखौ होबथायो अब्ला बिसोरें गुलि गावगुले, जेराव गोबां सुबुंफोर खारगुले आरो जोखोम जायो। नाथाय बेयावनो गुलि नांजाना सा 4 सुबुंनि जिउ गोमायो। समबार मोमनायाव थासायिया जोबोर जेंना गोनां जादोंमोन, नाथाय नोगोरारि समाजनि दैदेनगिरिफोर आरो लिलंनि एमएलए आबुल नासिरआ मोनसे जथुम्मा खालामहैयो आरो गिबि मन्थि एन बिरेन सिंनि फोथानाय



होनायाव थासायिया दिदोमाव फैयो। जाथाइयाव थैनायफोरखौ महम्मद दौलत (30), एम सिराजुद्दिन (50), आजाद खान (40) आरो महम्मद हुसैन (22) होन्ना मिबथिनो हादों। जोखोम जानाय सा 10 सुबुंफोरखौ इम्फलनि गंसे फाहामसालियाव फाहामथाइ होनाय जादों। हिंसायारि जाथाइनि उनाव थौबल, इम्फल सान्जा आरो इम्फल सोनाब, काकचिं आरो बिष्णुपुर जिल्लाफोराव कार्फिउ सोलिहोयो। मोनसे मिडिया मेसेजआव गिबि मन्थि सिंआ हिंसानि बे जाथाइखौ सोंखारिदों आरो सुबुंफोरखौ गोजोन थासायि लाखिनो खावलायदों। पुलिसआ दायनिगिरिखौ संदानो जागायबाय आरो थाबैनो बिसोरखौ हमनानै आयेनारि साजा होनाय जागोन।

8 दाननि गेजेराव गिबि रवेब मोब्लिबनि आंखालआ बांदों

गोदान दिल्ली, 2 जानुवारि: थानाय 8 दानआव ओराबायदि गिबि खेब जादोंदि, मोब्लिबनि आंखालआव 2.3 जौखोन्दो दावखलायनायखौ नुनो मोन्दों। डिसेम्बर दानआव बेयो दावखलायनानै 119.07 आरब इउनिट जादों। सरकारि अनजिमानि बायदिब्ला, थानाय बोसोराव मोब्लिबनि आंखाल जानाया 1.5 जौखोन्दो दावखलायनानै 132.02 आरब इउनिट जादोंमोन। 2022 नि डिसेम्बरआव मोब्लिबनि आंखालआ 121.91 आरब इउनिट जादोंमोन। बेजों से बोसोर सिगां बे दानआवनो 109.17 आरब इउनिटनि रुजुनायाव बांसिन जादोंमोन। मोब्लिबनि मेक्सिमम दाबिया डिसेम्बराव 213.62 मेगावाट



जादों। जेराव, 2022 आव बेयो 205.10 गिगावाट आरो 2021 नि डिसेम्बरआव 189.24 मेगावाट जादोंमोन। खौरांनि बायदिब्ला, डिसेम्बरनि गिबि 15 सानआव सरसनसा गुसु जानायनि जाहोनाव मोब्लिबनि आंखाल जानायजों लोगोसे दाबि खालामनाया बांदों। सरकारि अनजिमानि सायाव नोजोर होयोब्ला मोब्लिबनि मेक्सिमम

बोथोर गैयै अखा हानायनि जाहोनाव दाबि खालामनाया एप्रिल दाननि समाव बे थाखोआव सौहैयाखै। मोब्लिबनि मेक्सिमम दाबिखौ आबुं खालामनो थाखाय जगायथाइआ जुन दानआव 224.1 गिगावाटआव सौहैदों, जाय जुलाइ दानआव 209.03 गिगावाट जादोंमोन। आगस्ट दानआव दाबि खालामनाया 238.82 गिगावाट आरो सेप्टेम्बर 2023 आव 243.27 गिगावाट जादों। अक्टूबर आरो नभेम्बरआव बेयो 222.16 मेगावाट आरो 204.86 मेगावाट जादों। खौरांनि बायदिब्ला, रांखान्थि थासायिया बांनाय आरो गुसुआ बांनायजों लोगोसे फैगौ दानफोराव मोब्लिबनि आंखालआव बांनायनि सन्देह दड।

डिपिं केसआव कचजों लोगोसे सानै गेलेगिरिआ बेन खालामजादों



गोदान दिल्ली, 2 जानुवारि: डिपिं कन्ट्रल अफिसारआ गेलेगिरिफोरनि डप सेम्पल लानायखौ होबथानायनि थाखाय आरो सेम्पल लांनो फेग्रा बिबानगिरिफोरजों गात्रि आखु खालामनायनि जाउनाव कचजों नाडानि हेयारि पेनेलआ 6 बोसोरनि थाखाय बेन फोसावदों। बेजों लोगोसे नाडानिफ्राय कचनि सायाव 50 रोजा जुरिमाना फोनांदों। मख'नो गोनांदि, भारतीय गेम्सनि जारिमिनआव बेयो मोनसे एरेबादि गिबि केस जानानै फैदों, जेराव डिसिअखौ गेलेगिरिफोरनि डप सेम्पल लानायखौ होबथानाय आरो लांनो फेग्रा बिबानगिरिफोरजों नारा-नाथा खालामदों। हेयारि पेनेलआ कचजों लोगोसे जाथायाव सोमोन्दो थानाय सानै जुड' गेलेगिरिफोरखौ फारिंये 4 आरो 2 बोसोरनि थाखाय बेन फोसावदों। थानाय बोसोरनि जुलाइ दानआव नाडानि डिसिअआ दिल्लीआव थानाय जुड' एकाडेमिआव सासे जुड'कानि डप सेम्पल लायनो थानोंमोन। नाथाय बे एकाडेमिनि कच नरेश आर्याआ डिसिअनो सेम्पल हरनो गनायथि होयाखैमोन। जाउनाव जायगायाव दुंहाव थासायि जादोंमोन। जेराव डिसिअनि सायाव कचजों लोगोसे सानै गेलेगिरिआ बिथानि सायाव गात्रि आखु दिन्थिदोंमोन। जाउनाव डिसिअनि अजद देखानायाव नाडाआ कचनि सायाव अरायथानडै समनि थाखाय बेन फोसावो। लोगोसे नायबिजिनारनि हियारिआव डिसिअखौ सेम्पल लानायनिफ्राय होबथानाय आरो गात्रि आखु दिन्थिनायनि थाखाय एकाडेमिनि सानै जुड'काखौबो बेन फोसावो। पेनेलनि सियार पारसन सारु प्रज्ञाआ कचनि बेबादि आखुखौ नाडानि नेमखान्थिनि 2.5 आरो 2.9 आर्टिकलखौ सिफायनाय जादों होन्ना फोरमायो। जायनि जाउनाव बिथानि सायाव थानाय 24 जुलाइनिफ्राय 6 बोसोरनि बेन फोसावनाया सोलिबाय होन्ना फोरमायो।

दिनैनि फान्जामुधि

राशि बाइदियै मुनि गिबि हांखो

मेघ: अल बुध: ऊब (उ ए इ) मिथुन: क छ (ड घ) कर्कट: ड ह सिंह: म ट कन्या: प ट (ण ष) तुला: त र बृश्चिक: ब न धनु: ध भ (ङ फ) मकर: ख ज कुम्भ: ग श (स) मीन: द च (ख ज झ)

मेघ: फालांगि मावनायाव रांखावरि मुलाम्फा मोन्नो हागौ। फालांगिरी मावग्रानि थाखाय गाहाम सान।

बृष: बोसोर गोदाननि बहाबाफोर दावबाय हैनो मोन्नो हागौ। गोजोन मोन्नो हागोन।

मिथुन: नख'रआव रांखर'सा खालामनांगौआ बागोन। सानै-हयै मावनाया गाहाम।

कर्कट: सोरनिबा अन्नायाव माबाफोर मुवा-बेसाद मोन्नो हागौ। मुलाम्फा जागोन। मोजां सम।

सिंह: सोरनिबा जुनै दावराव-दावसि जानो हागौ। नख'रआव गोजौन्नाय गैयै सोमजिगोन।

कन्या: सुथुर थानायफोरा जोबसांलांगोन। गोजौनै थानो हागोन। मोजां सम।

तुला: दिनैनि दिनआव मान बावजानो मोन्नो हागौ। गोसोखौ गोजोन मोनगोन।

बृश्चिक: नख'रनि साप्रोमजोंबो अनलायनानै थानो हागोन। नख'र संसारआ शान्ति जागोन।

धनु: जेरावबो गोहो-बोलोखौ मोन्नो हागोन। फारफ्रोमबो मोजां। गोजोन मोनगोन।

मकर: बिसि-फिसाय अनलायनाया बांलांगोन। गोजौनै नख'र दालानो हागोन। मोजां सम।

कुम्भ: माखौबा लानानै सोरजोंबाफोर दावराव-दावसिफोर जानो हागौ। गोसोखौ हमथाना था।

मीन: नख'रनि रावनिबो बोसोन मानियै जालानो हागौ। गोसो हमथानानै सोलिनांगोन।

NOTICE INVITING TENDER

Sealed Tenders are invited in plain papers affixing postage stamp amounting Rs 8.25 (Rupees eight & twenty five paise) only from reputed firm/ contractor with experience for the following works under 15th -FC (Tied Grant) fund for the year 2023-24 under Jalajh Dev. Block of BTC area

Sl.No.	Name of cheme	Amount
1	Cons. of Community Toilet with running water Provision at Kupohi Chowk	Rs. 14,28,912.00
2	Const. of Community Toilet with running water Provision at Sauthavitha village near Community Hall	Rs. 14,28,912.00

Terms & Conditions:-

1. 1% for SC,ST & OBC, 2% for General of the Estimate Amount for the each scheme is to be deposited as earnest money by Bank Draft/FD in the name of B.D.O. Jalajh Dev. Block along with tender which is refundable after completion of the work.
2. 0.03 % of Estimate Amount for the each scheme is to be deposited as Cost of Tender Paper by Demand Draft in the name of Principal Secretary, BTC, Kokrajhar along with tender which is non refundable after completion of the work.
3. The rate for the work should be as per the Plan & Estimate already specified in proposal.
4. The work should be completed within 3 (Three) Months from the date of the issue of the work order.
5. The quotations along with required documents should be submitted by the date 19/01/2024 Till 2.30 p.m. in the office of the undersigned.
6. The Tender will be opened after the closing time on the same date in presence of the bidder.
7. The lowest rate Tenderer will be eligible for selection for the work.
8. The tenderer will have submit up to date Contractor Registration Certificate (PWD), Labour Licence, GST Clearance Certificate, Pan Card, Aadhar Card, Caste Certificate, BOQ etc.
9. In case the office remains closed on tender issuing/receiving/opening date the same will be issued/received/ opened on next working day.

Sd/-
Block Development Officer
Jalah Development
Block Jalajhgarh
Date- 28/12/2023

भारतीदासन इउनिभारसिटिनि 39 थि कन्भकेसनआव गाहाड़ मन्थि नरेन्द्र मदिआ बाहागो लादों

गोदान दिल्ली, 2 जानुवारी: गाहाड़ मन्थि नरेन्द्र मदिआ दिने तामिलनाडु नि तिरुचिरापल्ली आव दावबायहैदों। गाहाड़ मन्थि मदिआ भारतीदासन इउनिभारसिटिनि 38 थि कन्भकेसनआव बाहागो लादों। बे समाव राइज्यो बैंगिरि आरएन रबि आरो गिबि मन्थि एमके स्टालिनआबो बाहागो लादों। कन्भकेसनआव बिबुंथि लाखिनाय समाव मदिआ फरायसाफोरनो गाहाहाम हामब्लायथि होयो आरो बुजेदि, भारतीदासन इउनिभारसिटिआ मोनसे गोखों आरो नेसार फाउन्डेसनआव बिथा खालामनानै जागायदों। सिगां



फासैं गाहाड़ मन्थिआ बुंवावदों, गिबिसिन राइज्योफोरजों बिबुंथि बायदि समायना राइज्यो आरो 2024 आव बेयो आंनि लाखिनाय। आं तामिलनाडु लाइमोनफोरनि गेजेराव नुजाथिकेनो हानानै जोबोद

गोजोन्याय मोन्दों। बेखौ मिथिनानैबो रंजनाय मोन्दोंदि, आं बेयाव कन्भकेसन फोर्बोआव फेनायनि खाबु मोन्याय गिबिसिन गाहाड़ मन्थि। मख 'जाथावदि, गाहाड़ मन्थि मदिआ दिनेनो तिरुचिरापल्लीआव उरं जाहाज, रेल, हा लामा, थाव आरो गेस, जाहासरानि आरो गोजौ सोलौथाय बिथिफोरजों लोब्बा गोनां 19,850 कौटि रंनि बांसिन बेसेननि गुबुन गुबुन जौगाखां यजनाफोरनि अन्थाय खाम्फाबो गायसनों।

नेसनेल सेम्पियनसिपआव दिपिका कर्मकारखौ फिन नुफिनसिगोन



गोदान दिल्ली, 2 जानुवारी: सिनियर नेसनेल जिमनास्टिक सेम्पियनसिपआव मंगलबारनिफ्राय जागायबाय। बे सेम्पियनसिपआव भारतनि मुंदांखा आइजो अलिम्पियन दिपा कर्मकारखौ 8 बोसोरनि उनाव बाहागो लाफिन्याय नुनो मोन्दों। बे दुर्गामेन्टआव अलिम्पियन प्रनति नायर, नेसनेल जिमनास्ट जगेश्वर सिंह, राकेश पात्रा, तपन महन्ती, सैयद तम्बली आरो गौरभ कुमारखौबो बाहागो लानाय नुगोन। कर्मकारनि कच बिशेस्वर नन्दीआ खौरंगिरिनि सिगाडव दिपानि बाहागो जागोनखौ रोखा खालामदों। लोगोसे 8 बोसोरनि उनाव बिथानि गोखोडै दिन्थिफुंफिनो थियारि जानायखौ फोरमायदों। नन्दीआ फोरमायनाय बादिब्ला, बे दुर्गामेन्टआव अरुना रेड्डि बायदि सिनियर गेलेगिरिफोरजों लोगोसे हादरनिफ्राय गासै सा 300 निबो बांसिन बादायारिफोर बाहागो लागोन।

हादतआव करनानि पजिटिभ केसआ बांबोगासिनो

गोदान दिल्ली, 2 जानुवारी: जौनि हादतआवबो इराजी गोदान बोसोरखौ बयबो सुबुंफोरा दुबुंदायै, रंजा-बाजा बरायदों। नाथाय फारसेथिं हादतयाव करना इन्फेक्शनआ बांसिन जाबोनो हमदों। बोसोर गोदानाव कभिड-19 नि एक्टिभ केसआ बांनानै 4394 जाहैयो। कर्नाटकआव करनानि गोदान केसआ गिखांथावना जोबोदों, जेराव थानाय 24 घन्त्याव 296 गोदान केस थिसनो मोन्दों। फारसेथिं महाराष्ट्राव पजिटिभ हारआ जिगा सिहोदों, जाय 2 जौखोन्दोनि जौसिनाव सौहैबाय। मख 'जाथावदि, गोजां बोथोर आरो करनानि साब भेरिएन्ट जेएन.1 नि अनगायै गोदान बोसोरनि सुबुंफोरा फिकनिक,

दावबायनाय, बेरायदिहैनाया बांसिन जानायनि जाहोनाव पजिटिभआ बांसिन जाबोदों। मिरु सावसि मावख 'निफ्राय समबाव फोसावनाय अन्जिमा बायदिब्ला, हादतनाडै 24 घन्त्याव करनानि गोदानै 636 पजिटिभ केस मोन्दों। बेनि सिगां रबिबारआव 841 केस मोन्दोंमोन। गोदानै फोसावजानाय रिपर्टनि बायदिब्ला, 24 घन्त्याव सा 3 करना बेरामिफोरनि जिउ गोमायो, जेराव केरेलायाव सा 2 गोमायो, जेराव केरेलायाव सा 2 गोमायो, जेराव केरेलायाव सा 1 थैयो। फारसेथिं कभिड-19 नि साब भेरिएन्ट जेएन.1 आबो जेनाखौ बांसिन होदों आरो बेनि केसआ दासिमाव 200 सिम सौहैबाय। मख 'जाथावदि, करना गोसारजेनानायनिफ्राय लानानै दासिम भारतआव करना पजिटिभ



मोन्याय अन्जिमाया 4.5 कौटि जाबाय। सावसि आरो नख 'र जौगाखां बिफाननि अन्जिमा बायदिब्ला, कर्नाटकआव थानाय 24 घन्त्याव करनानि 296 गोदान पजिटिभ केस मोन्दों। बे समाव राइज्योआव सासे करनानो जिउ गोमायो। अन्जिमा बायदिब्ला, कर्नाटकआव थानाय सानाव सा 50 करनानिफ्राय मोजांआव फेयो। नाथाय अब्लाबो एक्टिभ केसआ बांनानै 1245 आव सौहैयो। महाराष्ट्रावबो कभिड-19 पजिटिभ हारआ जिगा सिथावना जादों। सावसि बिफाननि सासे बिबानगिरिया बुंदों, महाराष्ट्राव समबाखालि 2.09 जौखोन्दो पजिटिभ हारव 70 कभिड-19 नि पजिटिभ केस थिसनो मोन्दों। बेनि सिगां रबिबारखालि 131 पजिटिभ मोन्दोंमोन। अदेबानि करना जादोंब्लाबो दासिमाव थैनायनि अन्जिमा थिसनो मोनाखे, जाय गोजोन्थावनि बाथा।

गोदान दिल्ली, 2 जानुवारी: भारत-बांग्लादेश सिमनाजों गोबां मानसिफोर हाबफैनायआ सोलिंगासिनो दं, बेखौ बे बाथानिफ्राय हमनो हायोदि, 2023 मायथाइयाव बिएसएफआ गासै सा 744 हाबफैग्राफोरखौ खादों। बेनि गेजेराव सा 112 आ रहिंगियायनि। बिसोर गासैबो सुबुंफोरा आयेन बेरेखायै भारतनि सिमनायाव हाबनो नाजागासिनो दंमोन। बेयो थानाय बोसोरनि बयनिखुइ बांसिन अनजिमा। बेनि सिगां 2022 मायथाइयाव बिएसएफआ सा 369 खौ खादोंमोन आरो 2021 मायथाइयाव सा 208 हाबफै ग्राफोरखौ खानो हादोंमोन। बिसोर हाबफै ग्राफोरजों लोगोसे बिएसएफआ गोबां बिबानि बेरेखा बेसादफोर जेरै-कफ सिराप, गान्जा, याबा टेबलेट



आरो ब्राउन सुगरबो बोखानो हादोंमोन। बेसोरनि बेसेना फ्राय 41 कौटि रं जागोन। बेजों लोगोसे 2023 मायथाइयाव भारत-बांग्लादेश सिमनायावबो 4 किल 'ग्राम सना बोखानो हादों। 2023 मायथाइयाव बिएसएफआ सा 744 हाबफैग्राफोरखौ खादों। बेनि गेजेराव सा 112 रहिंगिया, सा 337 बांग्लादेशी आरो सा 295 भारतयारिफोरमोन आरो बेयो थानाय थाम बोसोराव बिएसएफजों हमजानाय बयनिखुइ बांसिन हाबफैग्राफोरनि अनजिमागोन। बिग्रायारिफोरजों दावहा नांनय आरो सिमनाफोरखौ रैखाथि होनायनि

अनगायैबो बिएसएफआ हादराव आयेन बेरेखा हाबफैनायखौ होवथानायाव गोनांथार बिफाव लागासिनो दं। बिएसएफ मावख 'गिरिफोरा बुंदोंदि, गोब्राब थासारि यावबो बिएसएफआ गावनि मावनांगौ हाबाखौ मावगासिनो दं। जेब्ला बियो सिमा बारनानै थायो अब्ला बिएसएफआ दायफोरजों चुजिनायावबो मोनसे मख 'जाथावदि खामानि मावदों। त्रिपुराया बांग्लादेशजों 856 किल 'मिटार गोलाव सिमा रानलायो। बे सिमाजोंनो आयेन बेरेखा हाबफैनाया जायो।

No.BDB/15th FC/2023-24/Pt.2/1 Dated Borobazar the, 2nd Jan., 2024

INVITATION FOR BIDS/IFB
Tender No. 2 of 2023-24 (Package No 2)

The Block Dev. Officer, Borobazar T.D. Block on behalf of the Governor of Assam invite bids from approved and eligible contractors Registered with Public Works Department (Roads), Assam Contractors registered with Bodoland Territorial Council in the category of Class-I (A, B, C) & Class-II against 2 nos. of schemes/works for bid amount of Rs. 48,56,837.00 (Rupees forty eight lakh fifty six thousand eight hundred thirty seven) only.

Details may be seen at website <http://assamtenders.gov.in> and also in the office of the undersigned during office hours.

Sd/-
Block Dev. Officer,
Borobazar T.D. Block

IPR(BTC)-2023-24/1060

सामब्राम गुफुरनि बिगुरखौ गारनानै बाहायनायजों देहायाव जेना सोमजिनो हागौ

जौनि गेजेराव बांसिन सुबुंफोरा जिखानाय सामब्राम गुफुरखौ बायो एबा माखासे सुबुंफोरा सामब्राम गुफुरखौ बायनानै बिगुर गारना जमा खालामनानै फ्रिजआव दोनो। नाथाय देहानि थाखाय बे नेमखाथिया मुलाम्फा गोनां नंगो ना नड बेनि सोमोन्दे नोंथाड माब्लाबा सानफेरदों ना? मख 'नो गोनादि, सामब्राम गुफुरखौ जिखानै दोन्याय एबा जिखानाय सामब्राम गुफुरखौ बाहायनाया देहानि थाखाय ख 'हा गोनां जानो हागौ। मक 'जाथावदि, सामब्राम गुफुरखौ बे रोखोंमै बाहायोब्ला लिलभार आरो उदैजों सोमोन्दो गोनां माखासे जेनाफोरखौ ट्रिगर खालामनो हागौ। लोगोसेनो सामब्राम गुफुरआव मा दड, जाय जौनि माखासे जेनाफोरनि जाहोन जायो बेखौ गुवारै मोनथिना लानाया गाहाम।



जायो। लोगोसेनो लिभारजों सोमोन्दो गोनां बेरामफोर जायो। (2) जिखानाय सामब्राम गुफुरजों फुड एन्फेक्शननि जेनाया बांसिन जायो। मानोना बेबायदि

सामब्राम गुफुरआव फांगस जाथावनाया बांसिन जायो, जाय फुड इन्फेक्शन आरो फुड पइजिननि जाहोन जायो। बेजों उदै सायो आरो उनाव लाव लाव खिनाय बायदि जेनाया

बाडो। लोगोसेनो बेयो लिभारनि खामानि मावनायावबो गोहोम खोखलैयो आरो लिभार सेल्सआव ख 'हा होयो। (3) सामब्राम गुफुरखौ दोन्थ 'नारयनि नेमखाथिया बेदि, नोंथाडा बेखौ ओरैनो बिगुरजों दोन्नांगौ। नोंथाडा बेखौ फ्रिजआव दोन्नाड। लोगोसेनो नोंथाडा जुदि सामब्राम गुफुरखौ बिगुर गारनानै स्टर खालामनो हास्थायदोंब्ला बेखौ गोबां दोन्नाड।

No. BDB/TA/2023-24/Pt.1/1 Dated Borobazar the, 2nd Jan., 2024

INVITATION FOR BIDS/IFB
Tender No. 1 of 2023-24 (Package No 1)

The Block Dev. Officer, Borobazar T.D. Block on behalf of the Governor of Assam invite bids from approved and eligible contractors Registered with Public Works Department (Roads), Assam Contractors registered with Bodoland Territorial Council in the category of Class-I (A, B, C) & Class-II against 1 no. of scheme/work for bid amount of Rs. 28,57,142.00 (Rupees twenty eight lakh fifty seven thousand one hundred forty two) only.

Details may be seen at website <http://assamtenders.gov.in> and also in the office of the undersigned during office hours.

Sd/-
Block Dev. Officer,
Borobazar T.D. Block

IPR(BTC)-2023-24/1059

No.DV/BTC/VETY/2023-24/1249/ Dated Kokrajhar the 2nd January/2024

PRESS NOTICE
Tender No. BTC/Vety/03/2023-24

The Director, Animal Husbandry & Veterinary Department, BTC invites Online bids through e-tendering process for the Supply of adult duck unit (male female ratio - 1:4) 750 (Seven hundred fifty) units including transportation cost for Group-A and Supply of 750 (Seven hundred fifty) Nos. pig unit of 4-5 months age (male female ratio - 1:1) including transportation & Insurance cost for Group-B to the selected beneficiaries in BTR district for the financial year 2023-24 from eligible Contractor/Suppliers / Dealers / Firms / processing requisite Registration Certificate on supply under this department, well established and financially sound supplier/Firms.

Details may be seen at website <http://assamtenders.gov.in> and also at the office of the undersigned during office hours.

NB:-

1. Payment is subject to availability of under appropriate Head of Account. No claim whatsoever in this regards will be entertained.
2. The chairman tendr Committee reserves the right to accept/reject any tender in part or all without assigning any reason, whatsoever.

Sd/-(Dr. J. P. Das)
Director, A.H. & Vety. Deptt.,
BTC, Kokrajhar

IPR(BTC)-2023-24/1062

No.BDB/15th FC/2023-24/Pt.3/2 Dated Borobazar the, 2nd Jan., 2024

NOTICE INVITING TENDER (NIT)
Tender No. 3 of 2023-24

The office of the Block Dev. Officer, Borobazar T. D. Block, Chirang invite bids from the registered contractors with Bodoland Territorial Council of Class-I (A, B & C) and Class-II category of Assam PWD (Road & Building) for the works under 15th FC for the year 2022-23 during 2023-24 in Bid system (F 2 Form) affixing a non-refundable court fee stamp of Rs. 8.25 (Rupees eight & paise twenty-five) only as details below.

Sl. No.	Name of the work	Bid Value (in Rs.)	Earnest Money/ Bid Security (in Rs.)		Cost. of Bid	Period of completion
			General category	Reserved category		
1	Const. of S/G road from Chamugaon Langdangpara village at Babu house	18,83,340.00	38000.00	19000.00	600.00	45 days
2	Const. of S/G road from Talirbari village Hemo Ray to Raja house	18,83,340.00	38000.00	19000.00	600.00	45 days

Detail NIT may be seen in all working days during office hours in the office of the undersigned. In case the office remain close on tender issuing/receiving/opening date the same will be issued/received/opened on the next working day.

1. Date of issue of Bid Document : 04/01/2024
2. Last date of issue and submission of Bid Document : 26/01/2024 up to 2.00 PM
3. Date of opening of Bid : 26/01/2024 at 2.30 PM

Sd/-
Block Dev. Officer,
Borobazar T.D. Block

IPR(BTC)-2023-24/1061

No.TECH-05/SE(B)/E-Tender/2021-22/Pt-1/76 Dated Kokrajhar the 29/12/2023

Tender No. 531 of 2023-24
PRESS NOTICE INVITING TENDER

The Superintending Engineer, PWD Kokrajhar Building Circle, Kokrajhar on behalf of Governor of Assam invites bids from approved and eligible Contractors registered with Public Works Department (Building), Assam/Contractors registered with Bodoland Territorial Council in the category of Class-I (A, B & C) & Class-II for 3 (Three) Nos. of works with a bid validity of 180 (one hundred eighty) days from the date of opening of the tender.

Sl. No.	Package No.	Name of Work	Approx. Value of Work (Rs)	Time of completion	Bid security (In Rs)	Tender processing fee (Rs)
1	531_1	Construction of Brick Boundary Wall, repairing of Doctor's Quarter and Gr-IV Quarter and Earth filling at Pakriguri State Dispensary in Udalguri District.	36,59,494.00	06 (Six) Months	73,200.00 for General & 36,600.00 for Reserved Category	800.00
2	531_2	Construction of Staff Car Parking, Public Toilet & Pucca Approach Road at Udalguri 200 Bedded Civil Hospital in Udalguri District.	49,93,995.00	06 (Six) Months	1,00,000.00 for General & 50,000.00 for Reserved Category	1000.00
3	531.3	Extension of main enclosure big Boundary Wall for newly constructed building of District Jail, Udalguri.	1,57,54,318.00	06 (Six) Months	3,15,200.00 for General & 1,57,600.00 for Reserved Category	3200.00

Details may be seen at website <http://assamtenders.gov.in> and also in the office of the undersigned during office hours The Press Notice will be a part of the Bidding Documents.

Note:

- i) N.I.T Value is inclusive of GST, Labourcess etc.
- ii) Pre-Bid Meeting will be held on 12.01.2024 at 11.00 A.M. in the office chamber of the undersigned.
- iii) Bid submission closing date 19.01.2024 upto 1.00 P.M.

Sd/-
Superintending Engineer, PWD,
Kokrajhar Bldg. Circle, Kokrajhar

IPR(BTC)-2023-24/1055

बिरखोनाय आरो बाग्लायनाय समाव उरां जाहाज सिंनि लाइटफोरखौ मानो बन्द खालामना होनाय जायो मिबथिगौना?

आधिखालाव बांसिन सुबुंआनो उरां जाहाजजों दावबायसै। मानोना सम आरो खामानि हमनायाव सुबिधा जानायनि थाखाय बयबो उरांजों दावबायसै। नोंथाडबो उरांनि मखासे नेम-खान्थिफोरखौ खोनाबाय जानांगौ। जैरे प्लाइटआव माब्ला सिट बेल्ट लागायनांगौ, माब्ला टयलेटखौ बाहायनो हायो, सिटनि खाथियाव थानाय स्टेखौ माब्ला खुलिनांगौ आरो माब्ला बन्द खालामनांगौ। बिबदिनो दिने जों प्लाइटनि मोनसे फेक्टनि बागै मिबथिहोगोन, जायनि सोमोन्दे नोंथाड बिमथिया जानो हागौ। प्लाइटआ बिरखोनाय आरो बाग्लायनाय समाव बेनि सिडवनि लाइटफोरखौ मानो बन्द



खालामनाय जायो मिबथिगौना? बेनि जाहोनखौ मिबथियाब्ला, जों बेयाव फोरमायबाय। मख'जाथावदि, जॉनि मेगना लाइट खोमोरनायनि उनाव एबा खोमसि खथायाव हाबोब्ला एडजास्ट जानो 10-30 मिनट सम नांगौ जायो। एयरलाइन्सआ बेखौ नोजोर होनानैनो टेक अफ आरो लेन्डिनि समाव हरखाब माबाफोर जाब्रबथाइ जायोब्ला आरो प्लेननि लाइटफोर हरखाब बन्द जायोब्ला बेबायदियाव दावबायारिफोर जाहाथे गिखाड बेनिखायनो टेक अफ आरो लेन्डिनि माखासे सम सिगांनो प्लेननि लाइटफोरखौ मोस्लेद खालामना हानाय जायो। बइंग एयरलाइन्सनि बायदिब्ला, 2006 निफ्राय 2017 माइथायनि गेजेरव मोन्नाय गावनि मोन्दांथिनि बायदिब्ला, टेकअफनि जागायजेनाय 3 मिनटनि गेजेरवनो 13 जोखोन्दे जाब्रबथाइ जायो आरो लेन्डिनि 8 मिनट सिगांसिमाव 48 जौखोन्दे जाब्रबथाइ जायो। बेनि अनगायैबो लेन्डि आरो टेकअफनि समाव प्लेननि लाइटफोरखौ बन्द खालामना होनायनि जाहोना जादों जाहाते दावबायारिफोर प्लाइटनि इमार्जेन्स लाइटफोरखौ रोखायै नुनो हायो। मख'जाथावदि, बेफोर इमार्जेन्स लाइटफोरखौ जौंजाग्रा रिफ्लेक्टर्स होनाय थायो आरो बेफोर लाइटफोरखौ दावबायारि जिरायनाय सिटनि गोजौआव होनाय जायो। बेफोर गोजा आरो गोमो गाबनि थायो। बे लाइटआ दावबायारिफोरनो मोनफ्रम एक्सनि थाखाय सिग्नल होनायनि खामानि मावो। □

सोलोंथाय

लाजेनबाय आं दिने,
सोलोंथायनि फुंखाखौ;
मोनजेनबाय आं दिने
गियाननि फुंखाखौ।
मेगनजोंबो नुबाय आं,
सुबुंफोरनि नाजानायखौ,
आंबो नाजागोन सानसे;
सोलोंथायनि फुंखा लानानै।
गियाननि बुद्धि बिखायाव,
गियाननि सोमखोर हायाव
नुबाय आं जिब-जिबनि;
सोलोंथाय-रॉनायखौबो।
माब्लादि जाखांगोन
आंनि सोमखे मोखांआव,
माब्लादि सौंफेगोन
आंनि सोरां गोसोआव।

मिस दिपान्जलि मोसाहारि
इउ एन एकाडेमि कक्राझार

सांग्रेमा एम्फौ

हर दान खोमसिआव
जोडो नों सांग्रेमा
साननि समाव नों जोड;
हरनि समावल' जोडो नों।
रिथिड-रिथाव जौंथि-माथि
स्टेसननि रड लाइट
जौनाय बादि बेसे समायदों।
नों सांग्रेमानि जौनाया
मादि गोहो लानानै जोडो नों
रावबो हाया नौनि जौनायजों
हर दान खोमसिखौनो
साथिफबहोयो।
नों सांग्रेमा एम्फौब्लाबो
नौनि गोहोआ गोबां,
हर खोमसिआव आन्दायनाय
सुबुं फेनायफोरनोबो सिगां
जानानै जौनाय होयो नों।
बे मुलुगाव थानानै
थाबाय था नों सांग्रेमा
अरायबोनि थाखाय।

मिस मौसुमि दैमारि
रैमालि एकाडेमि कलेज,
विजनी, चिरां।'

गथफोरनि सल'

तेनालि रामायया गावनि गामियावनो मुंदांखा जाखाबायमोन। बिनि गिबि मुड रामकृष्णमोन। बिनि गामिनि मुड तेनालिमोन। बियो सासे ब्राह्मण गथ' महरै कलकि देविनि फुजियारिमोन। बियो सानसे खालि हरसेमानि मोदाइजोखौ फुजिदोंमोन, आर'ज गाबदोंमोन। मोदाइजोआ बेनि सिगाडाव नुजाथिना राजा कृष्णदेव रायखौ लोगो हमनो थिनदोंमोन। बिब्दिनो बियो राजानिसिम थानायसै आरो राजानि जेबो हुकुम मानियालाबानो हाबलानायसै आरो मोसानायाव हेंथा सोमजि होनायसै। बेखौ नुना राजाया जोबोर रागा जौनायसै। राजाया तेनालिनि गोदानाखौ दानस'नो हुकुम होनायसै। बेनि सिगां बिखौ जोबथेसालियाव दोननाय जादोंमोन। बिखौ अखानायै साजा होनो गोनांमोन। नाथाय जाबोद बुद्धि गोरों तेनालिया गावनि हासार गोनां मेलेमजों माबा माबि सानहाबख्मबायमोन। अखानायै फुडव राजानि गार्दफोरा बिखौ लानो फेनाय नुना बियो बुंदोंमोन, "अनजालु लोगोफोर, आं सासे ब्राह्मण। बेखायनो आं आसार फालिनानै साजाखौ नाजावनो थांगोन। आंखौ तुंगभद्रा दैमायाव दुगैहो होगो।" गार्दफोरा तेनालिखौ दुगैनो थांहोनायसै। दुगैखां लोबखां तेनालिया दैमा सेराव जिरायना थियान खालामनो लानायसै। बेनि उनाव बियो जाग्रा मुवा बिनायसै। गार्दआ बिनो नालेंखर आरो फिथाइ होफेनायसै। जाखां लोंखां बियो दसे गोलानायसै। गार्दआ सिरि सिरि नेबाय थानायसै। तेनालि आरो उन्दुलानायसै। घन्टाथामसो



उनाव सिखारना तेनालिया गार्दखौ बुंनयसै, "नोंसोर दाबो आंखौ थैनाय साजा होआखै? आं नोंसोरनि खामानिखौ गोरलै खालामना होनि। आं गोदानसे दैयाव हाबगोन, आं मेगन मिसिबना रामनि मुं गाबत्रिगोन। नोंसोर थुंग्रिजों आंनि गोदानयाव दानस'। गार्दफोरा बि बुंनय बायदि मावनायसै। नाथाय तेनालिया रामनि मुं गाबत्रिना दैयाव थल्ल' बनायखाय थुंग्रिया बिनि गोदानयाव नाडाखैसै। बियो राजानिसिम थानायसै। बाश्राखौ मिबथि ना राजाया ग्लाब ग्लाब मिनिनायसै आरो तेनालिनि बुद्धिखौ सिरि सिरि बाखाथनायसै। नाथाय बे बाश्राखौ रावनोबो बुंथियाखैसै। बिथाड हुकुम होनायसै तेनालिखौ मैदेरजों गासिन होनानै बुथारनाय जाथों होनना। राजाया सिरि सिरि नेबाय थानायसै तेनालिया बेखेबाव मा बुद्धि बाहायना गावखौ रैखा खालामो। गार्दफोरा तेनालिखौ नोगोरनि बाइजोआव लानायसै आरो हाखर जावनानै बिखौ गोदानसिम फबनायसै। बेनि उनाव बिसोर मासे मैदेर लायनो थानायसै। तेनालिया गावखौ रैखा खालामनो राहा नागिर खानायसै।

जौनि गामि

सान्जानि जारो साना नुजाबोनाय
लोगो लोगो सोरां मिथिंगानि अराय
नाथाय आय'..... आंनि जोनोम गामि ॥
गैया समायना-रमायना महर बिबारनि बारि
सोमखोर गोथां हाजो-हाला सारि-सारि।
गासैबो दंनयमानि गोरान आबाद
फाथो, बेसर, सेबिनि अनगा गोदान आबाद।
गैया रावबो साखि-बाखिनि गिरि
बयहाबो फोथारनि आबादआरि।
गायनो-फुनो गैजाया दंग-जाम्फै,
गैया जेब्लाबो ओंखामनि आखाय-बेदरनि आलि।
बेनो जौनि जोनोम गामि आमिनफारा।
खोलो-खोलो बार बारनाय मिथिंगाजों
दावसिन-दावज्ला गाबनाय देंखोजों।
समाइआ-फागुनि थिं-थिं साननि बिदुं
रानसाव बारहाव जेब्लाबो गुदुं
बिफां-लाइफां, औवा, रायदों रानजोबो ॥
गैजाया दासिमबो मोब्लिबनि सोरां
लाबोग्राबो गैया गामिखौ अराय सोरां।
बेनि दुखु थियासिन मा गामि दं
बे मिथिंगानि बिखायावलाय.....??
बेनो जौनि गामि- आमिनफारा।
रिनदाव बसुमतारी
गामि:- आमिनफारा, पाटगाव
जिल्ला:- कक्राझार (बि.टि.सि.)।

रंजालि गथ'फोरनि सौरा

जौनि हादत

बे जौनि हादोद,
रावनिबो नड बे हादोदआ
नौनि आंनि रावबो गैया बे मुलुगाव
जाय सुबुडव जिउ गारनानै थांदों
गावनि हादोद सिबिनायनि
थाखाय मुख्लं जालांदों।
बे हादोदआवनो थादों
बे हादोदआवनो जादों
नाथाय रावबो खिन्था रोड
गेदेमाफोरनि सलमा, रायथाय
जाय सुबुआ गावनि गाव
हादोरखौ सिबि लांदों
गावनि मुख्लं सान फालिलांदों।
हादोदआवनो उजिदों हादोदआवनो थांदों
हारि मोनसेयैनो गावबा गाव आवगाय
लांदों.....
हारि मोनसेयैनो जयै थादों
जाय गेदेमाया गावनि गाव हारिखौ
फेदेर लांदों बेसो जादों,
बेसो जादों हादोदनि आगोमा फिसा
बेसो जादों हादोद सिबिग्रा।

कनिस्वर बरगायारि
उमानन्द गोजौ फरायसालि

बर' राव थुनलाइ

जों नै बे मुगानि फरायसा हान्जा
बेखेव लांगोन जों बर राव थुनलाइ
इनायनि हेंथायै गंस' थेना।
सैथोन लामाजों आगान सुरना
हान्जा हान्जा दावगा लांगोन
बर राव थुनलाइ सिबिनो।
उदांश्री हास्थाय सुला हास्थायसुलि
बेखेव लांगोन जों बर राव थुनलाइ
जो सिबिगोन बर' थुनलाइखौ।
जों सोलोंगोन बर' हारिमु राव खाथि
गनायगोन जों हारिनि बोसोनखौ
जों सिबिगोन बर' थुनलाइखौ
दे जाखोंदे देरहासात बर' बिमा थुनलाइ
जेब्लाबो गेजेन नड बर'नि बिमा थुनलाइआ
देरहासाद बिमा राव गेवलांथों थुनलाइआ
जोखांबाय हारिया..... ॥

मिस रिखु नाजारी
फरायसालि- उमानन्द गोजौ फरायसालि

सोरिजिगिरि अनसुला इस्वोर

मुसि चियानन्द बसुमतारि
गामि जामगुरि, कक्राझार

आय' अनसुला नों इस्वोर
थायो नोडो बबे जायगायाव।
नागिरो आं नोंखौ हालाय हाफाय।
होदावरि होसावरि अरनबारि बारि।
दुखुनि समाव नागिरो आं नोंखौ।
रंजा खुसिनि समाव मावगोमायो।
निदाननि समाव हांखायो आं नोंखौ,
आलांगानि समाव बावगार लाडो।
होफैयो नों जेब्लाबो सुबुंनि जिउआव,
दान्दसे रंजानाय-दान्दसे खोमसिनि जोमै।
नौनिनो माया गेलेहोनाय बे संसाराव।
बावनो हाया आफा इस्वोर नौनि मायाखौ।
थायो नों बबे जायगायाव अनसुला इस्वोर।
मोनथिस हाया, हमदांनो हाया,
नौनि माया गेले होनायखौ।
बे मुलुग संसारनि माया थिलियाव।
जैरिथिनो नायो बेथिनो नुयो,
बिफां लाइफां सारि सारि।
मेगन फिदिमिल्लानो नुयो,
नौनि सोरिजानय आफा इस्वोर।

आंनि जायख्लंआव

आंनि गोसोनि जायख्लंआव
नुजाफैबाय थायो।
हायना गोनां अनसुलि महरा
गेले फैयो नों आंनि
बिखा गेजेराव।
बावनो हाया मानो नौनि बिबार
बायदि समायना महरखौ,
जाखां फैबाय थायो जानाय-लौनाय
हरनि समाव निन गैला
साननि समआव गोजेन गैला
आंनि बे बिखा गेजेराव
मानो गेले फैबाय थायो
नों र'जे।
रायज्जायनो हाया बुनो हाया
आंनि मेगन थाइनेनि नोजोरारव
उसाव बादाव जाबाय आं,
आंनि जायख्लंआव जाखां
फैबाय थायो नों र'जे।

मुसि थनिजा ब्रह्म
धावलिगुरी एम पि हाइस्कूल

अरुणाचल राइज्योनि सोनाब कामें जिल्लयाव थानाय रिभार भिउ पिकनिक स्पटआव बोसोर गोदानखौ बरायनायजों लोगोसे सुबुनि होंगो दोंगो थासारि

उदालगुरि, 2 जानेवारि: इंग्रज गोदान बोसोर 2024 इ माइथायखौ बुहुमनि सुबुं माहारियोनो 1 जानेवारि सानखालि बोसोरनि गिबि सान महरै बायदि दावबायथिलिफोरगव दावबायनाने बोथिसे रंजा खुसि लावखार ओंखाम जानाने बरायनायखौ नुनो मोन्नाय जायो। बेबायदिनो बड'लेण्डनि बिखायाव थानाय समाइना लावखार ओंखाम जाग्रा थावनिफोरावबो सुबुनि होंगो दोंगो थासारिखौ नुनो मोन्नायजों लोगोसे भेरबकुण्ड लावखार ओंखाम जाग्रा जायगानिप्रय 1 किल' मिटर साहा फरसे बालुगुफुं थानाय लामा साखाधि अरुणाचल राइज्योनि सोनाब कामें जिल्लयाव थानाय समाइना मिथिंमायारि नुथायजों आबुं बुंफबनाय रिभार भिउ पिकनिक स्पटआवबो सुबुनि होंगो-दोंगोखौ नुनो मोन्नाय जादों। लोगोसे मख'नो गोनादि, बे दावबायथिलियाव बक' बियाबनि एम



एल ए नन्दिता दास आरो उदालगुरि थोनसि डिभिजननि डि एफ अ' सबुद ओंखाम जाग्रा थावनिया जोबोर समाइना तुथायै बोथिसे लावखार ओंखाम जाफैनायखौ नुनो मोन्नाय जादों। गोदान बोसोर 2024 माइथायनि गोजोनो हामलायथि बावहरनायजों लोगोसे

उदालगुरि जिल्लानि सिडव थानाय भेरबकुण्ड आरो रिभार भिउ लावखार ओंखाम जाग्रा थावनिया जोबोर समाइना मोजां थासारि नख'रनि सुबुंफोरखौ लानाने जथायै लावखार ओंखाम जानो थाखाय बेबायदि थावनिया थारेंनो मोनसे गोग्गो आवहवा गोनां थावनि होन्नायजों लोगोसे

(1 बिलाइनिया)

गसाइगावआव सासे लाइमोनखौ खासि-बिस्त्रियै बुथारनाय जाथाय सोमजिदों

खकन सरकार (24)नि गोथै सहखौ दिने फुंबिलियाव न'नि उनफासैं थानाय गय बागानाब बोखानो मोन्नायखौ लानाने नख'रव दावराव-दावसि सोमजियो। जाथायनि बागै खाधि-खालानि नख'रफोर मिथिनाने जाथायथिलियाव होंगो-दोंगो खालामनायजों लोगोसे जाथायनि सोमोन्दै गसाइगाव पुलिस थानाया खौरं हो। गसाइगाव महकुमा पुलिस बिबानगिरि हिरेन कुमार डेकानि दैदेन्नाय पुलिस हान्जाया जाथायथिलियाव नुजाथिहैनाने संदान्नायखौ जागायजेनो। गोथै सहनि खर'आव गोबो हाथियारजों गागलोबनायनि रोखा नैसनं दड' आरो खर'आव गोबो हाथियारजों गागलोबनायनि जाउनाव जायगायावनो जिउ गोमादों होन्नाने सान्नाय जायो। लोगोसे गोथै सहनि एसे गोजानाव दिलिप सरकारनि न'नि दै बोखोंग्रा मटरखौ बोखोंनो हानायाव ओन्सोलनि राइजो-राजाफोर बे बुथारनाय जाथाया दै बोखोंग्रा मटर खानो फैन्या सिखावखौ हमनो नाजानायाव सोमजिदों होन्नाने सन्देह खालामदों। गुबुन फासैंथि, बे जाथायखौ नख'रनि सुबुंफोर सानै-हयै बुथारनाय जाथाय होन्नाने दाबि खालामदों। जाथायाव जिउ गोमानाय लाइमोन खकन सरकारनि बिफा दिलिप सरकार पुलिस आरो खौरं बिजोनि सिगाइव बुडोदि, बिजेपि आरो आरएसएसजों लोम्बा थानायनि थाखायनो गावनि फिसाज्लाखौ बुथारदों। बिथानि नख'रखौ फोजोबक्रानो थाखाय खैसार खालामनाने गावनि फिसाज्लाखौ बुथारदों आरो बे जाथायखौ सिखाव खानाया जाथायनि गाब होदों। गुबैथै गावखौसो बुथारनो फेदोंमोन नाथाय गावखौ मोनेनि फिसाज्लाखौ बुथारनाने दै बोखोंग्रा मटरखौ खाथियाव गारनाने गालादों होन्नाने दिलिप सरकारआ बुडे। गुबुन फासैंथि, जाथायथिलियाव स्त्रिफार सैमानि गेजेरजों जाथायनि दायनिगिरिखौ नागिरनायजों लोगोसे फरेन्सिक हान्जाया मटरनिफ्राय आसिन नैसनंखौबो बुधुमदों होन्नाने सुलुडा मिथिहोदों। पुलिसआ गोथै सहखौ बोखानाने परट मटंम आन्जादनि थाखाय कक्राझारसिम दैथायहरो। मख'नो गोनादि, गसाइगाव महकुमानि गुबुन गुबुन ओन्सोलाव सानफ्रोमबो फिसा-फिसा सिखाव खानाया जाथाया सोमजिबोबाय थानायनि गेजेरावनो बे बायदि खासि-बिस्त्रियै बुथारनाय जाथाय सोमजिनायाव पुलिस बिफाननि रैखाथि होनायनि बिथिडव सोंथि सिखादों। गुबुन फासैंथि, बे जाखायखौ लानाने दुलाराइ रेंगालि लाइमोन फरायसा गौथुम, बजरं दल, बिजेपिनि गसाइगाव जिल्ला आफाद, आसाम जातिय परिषदजों लोगोसे गुबुन गुबुन दोलो-आफादफोर गोखों रवजों सोंखारिनायजों लोगोसे जाथायनि दायनिगिरिखौ थाबेनो हमनांगौनि दाबि दैखादों।

गसाइगावआव सुबुं खुंथाय सान फालिथायनि...

लोगोसे महकुमानि गुबुन गुबुन सरकार बिफाननि बिबानगिरिजों लोगोसे एसएसबि, सिसारपिफ बिबानगिरिफोर बाहागो लायो। थानाय बोसोरफोरनि बायदिनो देरलायबो गुबुन गुबुन सरकार बिफाननि जुथाय नाजानायाव फेगौ सुबुं खुंथाय सानखौ मोजाडै फालिनो थाखाय सिगानि बादिनो गासैबो बिफाननि हेफाजाब मोनगोन होन्नाने महकुमा बेंगिरि आरन्त्यक शइकियाआ मिजिंथिनाय फोरमायो। बिथाड मोनफ्रोमबो बिफाननि सायाव होनाय बिबानखौ मोजाडै मावफुंनयाव गोनांथि होयो। गुबुन फासैंथि, थानाय बोसोराव महकुमानि गुबुन गुबुन बिथिडव जौगाथायनि थाखाय सहरनि मेलेमजिबि, राजखाथियारि, राजखाथियारि नडें दोलो, सरकारि नडें आफाद आरो फसंथानजों लोगोसे सरकारि बिफाननि गासैबो थाखोनि बिबानगिरि आरो खौरंगिरिफोरनि नुजाथिनायाव मोनसे मेल खुंनाय जायो। मेलाव गसाइगाव सहर आरो महकुमानि गुबुन गुबुन जायगानि थागिरिफोर मोगा-मोगि जाबोनांनय बायदि जेनाफोरखौ सिनायथिनाने थानाय बोसोरसेयाव बे जेनाफोरखौ सुखानो थाखाय महकुमा बेंगिरि शइकियानि दैदेन्नायाव गुबुन गुबुन बिफानफोर लानाय थांखिफोरनि सायाव गुवारै सावयलायो। जर'खायै सहरनि उत्तरपायाव थानाय आद्रा जानाने थानाय मोल्बिबजों सोलिनाय गोथैसालि, 31 नं माहारियारि राजा लामानि साजों बाजार हाब्रुबिल फोनांजाब फ्लाइ अंधार लुनाय, सहरनि गुबुन गुबुन जायगायाव दै बानानि जेना, सहरनि पार्कफोरखौ लुफामफिनाय, भमराबिल ओन्सोलनि गंत्रे दालां लुनाय, भमराबिल-आबाद बिज्ञान मिरु फोनांजाब लामाखौ पाक्का खालामनाय बायदि आयदाफोरनि सायाव बिफानफोर आजावनाय थांखिफोरखौ महकुमा बेंगिरिआ राइजोआरि खालामनाने होयो। मेलाव महकुमानि सिडव थानाय बिडब्लिउडि बिफान, आखाइ इसान आरो जि बिफान, बिजाब बाखि बिफान, दै फुंखा बिफान बायदि माखासे बिफाननि थानाय बोसोरनि खामानिफोरखौ पावार पडन्टनि प्रेजेन्टसन होयो। मेलाव सोनाब कक्राझार बिधान सभा बियाबनि बारस' एमएलए हेमेन्द्र नाथ ब्रह्म, गसाइगाव नोगोर आफादनि बारस' आफादगिरि ध्रुव कुमार ब्रह्म नाजरी, गसाइगाव दालाइ साहित्य सभानि आफादगिरि खनिन्द्र नाथ दासजों लोगोसे माखासे मेलेमजिबि सुबुंफोर बाहागो लायो।

गुवाहाटीयाव माहारियारि बेराम सामलायथाय मिरुनि आन्सलिक दालाइनि अन्थाइ खाम्फा...

(सिएइससि) देहा मिरुनि साखाथियाव गायसनजानो गोनां माहारियारि बेराम सामलायथाय मिरुनि दख'रा दालाइनि गेजेरजों सम बादिदै बेराम सामलायनाय आरो नार्यबिजरनायाव राइज्यो सरकारनि देहा बिफानयाव जर'खायै हेफाजाब गोनां जागोन। बे दालाइया ओन्सोल बिथा महराव बुधुमनाय बेराम सोर्जिनायनि फोरमाननि बिथायाव सम बादिदै आखाइ होनायनि बिथिडव सिगांग्रो सांग्रॉथि लानायाव जोबोद हेफाजाब गोनां जागोन। गोदान दिल्लीयाव थानाय माहारियारि बेराम सामलायथाय मिरुनि गहाइ मावखुलिजों गोरोंबलायनाय सोर्जिनाने गोदान मुगानि बिरेंदाहिननि हेफाजाबाव रोखा फोरमानफोरखौ गसनारनाने गोखेंनो गरा लानायाव हेफाजाब मोनगोन। अन्थाइ खाम्फा गायसन्नायनि उनावनो गुवाहाटीयाव आसाम सरकारनि देहा आरो नख'र अन्साय बिफाननि मन्थि केशव महन्तआ खौरंगिरिफोरनि सिगाइव बुडेदि, देहा बिफाननि बे थांखिया सिगांग्रो बेराम सिनायथिनाने बेरामखौ फाहामनाय, बेराम सामलायथाय राहा आजावनायाव गोनांथार बिफाव फालिगोन। माहारियारि बेराम सामलायथाय मिरुनि दालाइफोर गोखेंनो बेराम सिनायथिनाने गोखें राहा आजावनायनि गेजेरजों सुबुं देहा गुदि बिथाजों लोगोसे देहा सिबिथाय राहाखौ हादतनि सा-सान्जानि राइज्योफोरखौ गोजू थाखायाव लांगोन। दिनेनि बे मेललाव आसाम सरकारनि लेडाइ गहाइ नेहाथारि (देहा)अभिनस पि. जिशि (आइ.एस.ए), भारत सरकारनि देहा आरो नख'र अन्साय बिफाननि गागि दख'रा बिथोनगिरि डू एल. एस. सिं, देहा सिबिथाय बिथोनगिरि, आसामनि मावफुं बिथोनगिरि डा: मनज कुमार चौधुरी, माहारियारि देहा बिथांखि, आसामनि बिबानगिरि पंकश चमुवा, जुथाय बेराम नायसंथाय हाबाफारिनि राइज्योयारि नायसंथाय बिबानगिरि डा: एन.एस. तिश्यजों लोगोसे माहारियारि देहा बिथांखि, आसामनि राइज्योयारि बिबानगिरिफोर बाहागो लाफेदों।

(1 बिलाइनिया)

एबसुनि थान्दै हान्जाया बड लेन्ड मुलुग सोलोंसालि आरो कक्राझार फाहामथाय फरायसालिमायाव..

जायनि उनाव बिथाड खौरं बिजोनि सिगाइव गुबैथै गंनैबो सोलोंथाय फसंनथाननि फरायसाफोरनि सार्थ, बड'लेन्ड थागिरिफोरनि सार्थ आरो सोलोंथायारि बिथिखौ जौगाखानायनि सार्थयाव दिनेनि बे नायसंनाय आरो जथुमयाव बाहागो लादों होन्ना मिबथिहोयो। बिथाड बड'लेन्ड मुलुगसोलोंसालिनि बिबान मोन्नाय भाइस चेन्सेलर प्रदिप कुमार पात्र, रेजिष्टर डू सुबुं बसुमतारिजों लोगोसे माखासे बिबानगिरिफोरजों ज' जानाने मुलुगसोलोंसालियाव 'नाक'नि नायसंनाय, अरयाथा भाइस चेन्सेलर थिसन्नाय, सम बादिदै आन्जाद खुंनाने सम बादिदै फिथाइ फोसावनायजों लोगोसे उदालगुरियाव बड'लेन्ड मुलुगसोलोंसालिनि केम्पास गायसंनाय, बड'लेन्ड मुलुगसोलोंसालिनि सिभिल सार्थिस आरो मेडिकल इन्जिनियारिनि थाखाय बर' स्टाडिस चेन्टरनि अरियेन्टेसन केम्पास जागायनायजों लोगोसे गुबुन गुबुन गोनांथार आयदाखौ लानाने सावरायलायनाय जादों होन्ना मिबथिहोयो। एबसुनि आफादगिरि बर'आ दिनेनि सावरायलायनायखौ गोजेन्नाय फोरमायदों आरो बेनि जाहोनाव थाबैनो बड'लेन्ड आरो आसामारिआ मोजां फिथाइ मोन्नो हागोन होन्ना दाबि खालामो।

गुबुन फारसे बिथाड कक्राझार फाहामथाय फरायसालिमा फाहामसालिखौ नायसंफेनाने फरायसालिमानि गोरायुं डा: अतुल चन्द्र बर'जों सावरायलायनायनि बाश्राखौ फोरमायनाने थानाय बोसोरनिफ्राय फर-फारि सोलोंथाया जागायनाय फाहामथाय फरायसालिमायाव सोलोंथायारि थासारि लाबोनायनि थाखाय गोवां अन्जिमानि आयदाफोर गोनांथि होजानांगो दड'होन्ना फोरमायो। लोगोसेनो बिथाड फाहामथाय फरायसालिमायाव ब्रैथि थाखो आरो नारं सार्थदिजों लोगोसे गासै 400 मावसुमाफोरखौ थिसन्नांगो होन्ना मख'नाने डेपुटेसनयाव लाबोनाय मावसुमाफरा गुबै मोननांगो बादि नड होन्ना बुडे। बेनि अनगयै गुदि-बिथा जौगाखानायनि थाखाय नैथि थाखोनि लुनाय खामानिया जागायजेनाने। लोगोसेनो सोलोंथाय होनायखौ जागायजेनाय फरायसालिमानि गुबुन गुबुन आयदायाव गोनांथि होनांगो होन्ना बुडे। बिथाड आसाम सरकारखौ परटमटंम आन्जाद खालामनायनि राहाखौ गोखें खालामनो थाखायबो दाबि खालामो। बेनि थाखाय नख'र बिफाननि गनायथिया गोनां होन्ना दाबि खालामो। फरायसा दैदेनगिरि दिपेन बर'आ आथिखालनि समाव कक्राझार सिभिल देहा फाहामसालियावबो परटमटंम आन्जादआ बन्द' जानाने थानायाव बरपेटानि फकरुदिन आलि अहमेद फाहामथाय फरायसालियाव थानो गोनां जानायाव गोवां जेनानि थासारि सोमजियो होन्ना मख'नाने सरकारखौ थाबेनो परटमटंम आन्जाद खालामनायनि नांगेबायदि राहा आजावनो खवलायो। एबसुनि आफादगिरि दिपेन बर'आ फाहामथाय फरायसालिमा फाहामसालिनि गुदि-बिथा, अपारेसन खथाजों लोगोसे गुबुन गुबुन आयदायाव गोनांथि होनांगोन होन्ना मिबथिहोनाने आसामनि गिबि मन्थि डू हिमन्त बिरुव शर्मा आरो देहा मन्थि केशव महन्तखौ बे जेनाखौ सुखानायनि थाखाय खवलायो। गोदान लुजानाय कक्राझार फाहामथाय फरायसालिमायाव बेराम जानायाव फाहामथाय लाफैनायनि अन्जिमाया बाडाइ जादों होन्ना मिबथिहोनाने राइजो-राजाफोरनो गासै रोखोमनि फाहामथायनि राहा खालामनाय जादों, बेनि थाखायनो कक्राझार जिल्लाजों लोगोसे साखाधि जिल्लाफोरनि बेराम जानयफोरखौ लाबोना फाहामथायनि राहा आजावनो खवलायदों।

राइज्यो सरकारनि फोसावथायाव एनआइअएसनि डिएलएड टेट उथिसारनाय बिजाथिफोरा...

नं. 23583-84/2022 आरो 23943/2022 नम्बरनिफ्राय सोर्जिजाय सिभिल आर'जयाव गनायथि जानाय बिथोन बादिदै फोसावथायफोरखौ थियायि खालामनो आरो फोसावनाय जादोंदि, जेराव नेसेनेल इन्स्टिटुट अफ अपेन स्कुलिं (एनआइअएस) निफ्राय मोन्नाय 18 दाननि डिप्लमा इन एलिमेन्टारि इङ्गरेसन (डिएलएड)नि बिमुं रंगौथि आरो आथिखालाव फोरंगिरि मासियाव गोदाने थिसनजानायनि थाखाय मोन्नो हाथाव जानाय नंलिया। बे फोसावथाय फोसाव जानायनि उनावनो दिने राइज्योनि गुबुन गुबुन ओन्सोलजों लोगोसे तामुलपुर जिल्लानि गासै 100 निखुइ बांसिन टेट उथिसारनाय एनआइअएसनि सिडव डिएलएड खालामनाय बिजाथिफोरा फिन्जाथाय खालामना बुंदोंदि, जोडे सरकारनि गोखों बिथोनमाफोरखौ फालिनाने 2017-19 माइथायाव एनआइअएसनि सिडव डिएलएड खालामदोंमोन, बे समाव सरकारि एवा गावआरि गंग्रोमबो फरायसालिनि फोरंगिरिफोरखौ डिएलएड लानो गोनांथार खालामना होदोंमोन होन्ना फोसावनायजों लोगोसेनो एनआइअएसआ बर्यनिको थाखाय 2017-19 माइथायाव वान टाइम उडन्ट' खुलिना होदोंमोन। बे बिथिडव भारत सरकारनि सोलोंथाय बिफान, सुबुं धोन जौगाखौ बिफान, फोरंगिरिनि रंगौथि नायबिजिरा माहारियारि आफाद एनसिटिडिआ गनायथिजागोन एनआइअएस मुनि आफादआ आबुं नै बोसोरारि कर्चनि बिबान लानाने आबुं नेमखान्थि बादिदै सेथि बोसोर आरो नैथि बोसोरनि एडमिसन खालामनायजों लोगोसे मोनब्रे सेमिस्टारनि आन्जाद खुंनयजों लोगोसेनो हम एसाइनमेन्ट आरो खेवफ्रोमबो रबिबवारखालि स्टाडि चेन्टरफोराव क्लास खालामदोंमोन। मख'नो गोनादि, एडमिसननि फोसावथायाव मास्त्राबाबो 18 दाननि कर्च होन्ना फोसावनाय जायाखेंमोन। नाथाय इयुन समाव गावसोर समनि आंखाल आरो इनसांभिस फोरंगिरिफोर रंगौथि थानायनि थाखाय नै बोसोरारि कर्चखौ 18 दानव आबुं खालामदों होन्ना मिबथिहोयो। बे बिथिडव आसामनि एनआइअएस डिएलएड मार्केसिट सर्टिफिकेट बायदियावबो नै बोसोरारि कर्च होन्नायसो मख'नाय दड'होन्ना बिजाथिफोरा मिबथिहोदों। बे आयदायाव बिजाथिफोरा जायथिड-जाया गोरेंथि गैयाव्लाबो सरकारनि बेबायदि थांखियाव गावसोर जोबोद दुखु मोन्दों होन्ना मिबथिहोनायजों लोगोसे सरकारनि बेबायदि थांखियाव जिउनि बेसेन गोसा समखौ ख'हा खालामनाने एरेनो थांगाहोनायनि दुखुखौ लानाने गावसोरनि थाखाय थैनायानो साबसिन होन्ना दुखु फोरमायदों आरो फेगौ थिसन्थाय हाबाफारियाव एनआइअएस डिएलएड टेट उथिसारनाय बिजाथिफोरखौ खाबु होनो आसाम सरकारखौ खवलायनाने फिन बुंदोंदि, गोनांथियाव सरकारआ गावसोरनो 6 दानारि बिज कर्च खालामनो खाबु होनानेब्लाबो फेगौ थिसन्थाय हाबाफारियाव आर'ज खालामनो खाबु होनांगो होन्ना खवलायो। दिनेनि बे हाबाफारियाव एनआइअएसनि सिडव डिएलएड खालामनाने आसाम टेट उथिसारनाय तामुलपुर जिल्लानि बिजाथि कमल डेका, नयन्यथि दास, रजिब राजबंसि, सुनिल दास, हितेश दास, साहाम हुसेनमोनदों लोगोसे माखासे बिजाथिफोरा बाहागो लाफेदों।

बरिमाखा दख'रा एबसुनि सनाथि माइथाय ...

जौखोन्दो आबुं जाबाय। बरिमाखा दख'रा एबसुआ 50 बोसोर आबुं जानायनि लोम्बायै सनाथि माइथाय फोबों फालिथायनि थाखाय हान्जा मोसानाय, हान्जा मेथाइ रोजाबनाय, एन सि सिनि फेरेड सोलोंनाय, साइनासालि लुफुंनाय बायदि खामानिफोरा सोलिगासिनो दड। बे हाबाफारिनि गिबि सानाव गहाइ हाबरा दख'र बेखेवनाय, साइनासालि, जामुंसालि, थान्दै बादा, थान्दै न'ब्लां बायदि बेखेवनायजों लोगोसे थान्दै मेल जथुमनाय जागोन। लोगोसे मोनाबिलि समाव गहाइ जौसांआव देख्खोमु से नै थाम बादायलायनाय हाबारिया जागोन। नैथि सानआव दुलाराय बर' फरायसा आफादनि गोथार फिरफिला बिरहोनाय, फरायसाफोरनि थुनलाइआरि बादाइलायनाय, बाश्रा दान्थेलायनाय, गेलेनाय बादायलायनाय, सोलोंथायारि सांग्रॉथि मेल आरो मोनाबिलियाव खाम दामनाय बादाइलायनाय आरो हारसि मोसानाय बादायलायनाय बायदि हाबाफारिखौ लानाय जागोन। जोबथा सान एवा 7 जानेवारिखालि फुंबिलिनि समाव गोलाव खारनाय बादायलायनाय, सारखोन-सिखोन हाबाफारि, हारिसुवारि हान्जा सुरनाय, बान्था रननाय बायदि हाबाफारिजों लोगोसे सानजौफुनि 12 रिंगा जानाय लोगो-लोगो गेवलं मेल लानाय जागोन। बे गेवलं मेलआव मेल बेखेवगिरि महरै बाहागो लागोन बिटिआरनि गहाइ मावफुं सोद्रोमा प्रमद बर'आ। लोगोसेनो गहाइ आलासि महरै बाहागो लागोन मिरु एबसुनि लोगो आफादगिरि खोरोंमदाव औवारि, थांखिजानाय बुंथिगिरि महरै उदालगुरि जौसिन फरायसालिनि आयदा फोरंगिरि मनालिसा दैमारि, बर' थुनलाइ आफादनि बारस' गहाइ नेहाथारि कमला कान्त मोसाहारि, बाक्सा जिल्ला एबसुनि आफादगिरि उमेस दैमारि, बिटिआरनि बुंथिगिरि कातिराम बर', आसामनि केबिनेट मन्थि उर्खाव गोर ब्रह्म बिथामोनजों लोगोसे गुबुन गुबुन गौथुमारि आफादनि दैदेनगिरि बिथामोनो बाहागो लागोन। जोबथा हाबाफारि बायदिदै हारिसु मोनाबिलियाव मेथाइ रोजाबगिरि महरै बाहागो लागोन हांखाजानाय जाखांफु मेथाइ रोजाबगिरिफोर फारियै-सनेस मोसाहारि, जेसि नाजरी, फुंबिलि बसुमतारिजों लोगोसे ओन्सोलनि जाखांफुनाइ मेथाइ रोजाबगिरि बिथामोननि मेथाइ रोजाबनायखौ नुनो मोनगोन होन्नाने खौरंगिरि मेलनि गेजेरजों बुंथिदों खुंफुं आफादनि आफादगिरि गुनेस्वर स्वर्गियारि आरो बरिमाखा दख'रा एबसुनि आफादगिरि सरित बर' बिथामोनहा।

गागि सावरायगिरि आरो राइथायगिरि धनि ...

खामानि मावजेनो आरो उरनि समाव 'आजिर आसाम' आरो 'अग्रदुत' खौरं लाइयाव लेडाइ सुजुगिरि महरै खामानि मावो। धनि बराआ आधुनिक बाख्या, बिदाय आधुनिकता, हारियारि रव आरो हारिसु बायदि बिजाबजों गोजाम आरो सोनाबारि बिजाब, इन्ट्लेक्चुवेल सुबुंथि, थुनलाइ आरो समाज-हारिसुवारि बुंफुरुल बायदि सावरायथाय-रइथायजों असमीया सावरायथाय थुनलाइखौ गोखों खालामबोदों।

(1 बिलाइनिया)

गिबि मन्थिआ राइज्योयाव...

गावयारि खोन्दोनि माइफोरनो भारत सरकार रैखाथि होयो। भारतनि संबिजर बादिदै बाडइ सानकोनि सोलोंथाइ फसंथानखौ राइज्यो सरकार जेबो खालामनो हाया। आसाम पुलिस-राइज्योनि सोलोंथाइ बिकाना माइसाखौ बन्द खालामनो थाखाय राहा खालामगासिनो। फेगौ समाव राइज्योयाव थानाय गं 1 रोजा गावयारि खोन्दोनि माइसाफोरा बन्द जागोन आरो माइसा सालायाव फसंथानजों सरकार सावरायलायगोन। लोगोसे मुसलमाननि सेन्सासखौ लानानेबो गिबि मन्थिआ गोनांथार बिबुंथि होयो। बिथाड बुडेदि, आसामाव जिउ खुंनाय मुसलमानफोरनि गेजेराव मोनबा रोखोमनि मुसलमान हारि दड'। जायखौ असमीया मुसलमान होन्नाने बुंनाय जायो। मुसलमाननि सेन्सासखौ गनायथि होदों आरो मुसलमानफोरनि सेन्सासनि हाबाफारिया दासिम सोलिगासिनो दुडन। बे हाबाफारि बादिदै असमीया मुसलमान जिउ खुंनाय जायगाफोरखौ सिनायथिगासिनो दड'। 2024 बोसोरारव मुसलमानफोरनि सेन्सासआ आबुं जागोन होन्नाने बिथाड बुडे। गिबि मन्थि महरै डू हिमन्त बिरुव शर्माआ बिबान रुजुनायनिफ्राय आसामाव गासै गं 1200 माइसाफोरखौ बन्द खालामदों। फिन डू हिमन्त बिरुव शर्मा दैदेनाय राइज्यो सरकार राइज्योनि गं 1 रोजा गावयारि खोन्दोनि माइसाखौ बन्द खालामनो थाखाय थाक-थियारि खालामदों। मख'नो गोनादि मैया सुबुं सिबिथाय भवनाव खौरंगिरिजों मोगा-मोगि लानाय हाबाफारियाव गावयारि खोन्दोनि माइसाखौ बन्द खालामनाय आरो मुसलमान सेनसासनि सोमोन्दै गिबि मन्थिआ गोनांथार बिबुंथि होयो। बे मोगा-मोगि लानाय हाबाफारियाव 2023 माइथायाव सरकारनि बोसोरसालिया रिपटंजों लोगोसे 2024 बोसोरव मावनो गोनां खामानिफोरनि सोमोन्दैबो गिबि मन्थिआ फोरमायथिनाने होयो।

मिरु एबसुजों खुंजानाय मिरु रंगौथि सायख' आन्जाद-...

आन्जादआव आसामनि गुबुन गुबुन जिल्लानिफ्राय जि थाखोआव गासै सा 7,121 आरो गु थाखोआव गासै सा 8,363 फरायसाफोरा आन्जादआव जिरायदोंमोन। मिरु रंगौथि सायख' आन्जादआव जिरायनाय फरायसाफोरनि गेजेराव बर्यनिखुइबो बांसिन अन्जिमा मोननो हानाय गु थाखोनि टप-3 मासि आवयिनो हानाय फरायसाफोरा जाबाय फारियै- सेथि सारियाव मनिसा बसुमतारि(80.5 जौखोन्दो) बाथौ आरुम गोजू फरायसालि मेटघाट बाक्सा, नैथियाव हायुंसा बसुमतारि (77.5 जौखोन्दो) इड एन एकाडेमि बिजनि चिरां, अनिरुध ब्रह्म (77 जौखोन्दो) टिपकाइ हायार सेकेण्डारि फरायसालि कक्राझार। 10 थि थाखोनिफ्राय थामथि सारि मोन्नो हानाय फरायसाफोरा फारियै-सेथिआव निजोम बर'(89 जौखोन्दो) बाथौ आरुम हाइ स्कुल बरसा बाक्सा, नैथियाव लिपम बर'(84.5 जौखोन्दो), फुंबिलि सोलोंसालि तामुलपुर, थामथियाव हरिस्वा बर'(81.5 जौखोन्दो) टंला इड एन एकाडेमि उदालगुरि। मिरु रंगौथि सायख' आन्जादनि मासिगिरि बि. सोमखोर बसुमतारिया फिथाइखौ फोसाव खानायनि उनाव जायफोर फरायसा फोरा गु आरो जि थाखोनि मिरु रंगौथि सायख' आन्जादआव टप-3 मासियाव बांसिन अन्जिमा लानाने सेथि, नैथि आरो थामथि मासि लानो हानाय फरायसाफोरखौ मान बिलाइजों लोगोसे नोगोद 20 रोजा, 15 रोजा आरो 10 रोजा रं बाथबो होनाय जागोन होन्नाने फोसावो। लोगोसे बिथाड टप-5 मासि लानो हानाय फरायसाफोरखौबो नोगोद 20 रोजा रं आरो फोरमान बिलाइ गथायनाय जागोन होन्नाने खौरं बिजोनि गेजेरजों फोसावनायखौ नुनो मोन्दों।

एबसुनि गाइसनगिबि गहाइ नेहाथारि रुंसारि कनकेस्वर...

बर' फरायसा आफादनि आफादगिरि दिपेन बर'आ आरो गायसनगिबि गहाइ नेहाथारिनि सावगारियाव बिबान बाउजेनो बिथानिनो आंगो बिसि हिराबाइ नाजरीरिया। दिनेनि एबसुनि गाइसनगिबि गहाइ नेहाथारि रुंसारि कनकेस्वर नाजरीरि 8थि जोनोम सान फालिनाय बुब्जियाव एबसुनि आफादगिरि दिपेन बर'आ बर' हारिनि थाखाय रुंसारि कनकेस्वर नाजरीरि होलांनाय बिहोमाखौ गुवारै फोरमायना होयो। रुंसारि कनकेस्वर नाजरीरिया सासे बर'नि रिपेल हि'र मोन होन्नाने फोरमायो एबसुनि आफादगिरि दिपेन बर'आ। जोनोम सान फालिनाय हाबाफारियाव एबसुनि बारग' गहाइ नेहाथारि आरो बारग' एमएलए पमैस्वर ब्रह्म, कक्राझार जिल्ला बर' थुनलाइ आफादनि आफादगिरि बिजेल् बसुमतारि, जनता फरायसालिमानि प्रिन्सिपाल बिथाराइ ब्रह्म, कक्राझार जिल्ला आबोफनि गहाइ नेहाथारिजों लोगोसे गोवां राइजो-राजाफोरनि बाहागो लानायजों हाबाफारिया मोजाडै-मोजां जोबलाडे।

फावखुंग्रि काजलआ गोदान बोसोर फालिनायनि समाइना नुथायफोरखौ शेरार खालामदों

बलिउड स्टारफोरा गोदान बोसोरनि फालिनायफोरनि माखासे नुथायफोरखौ शेरार खालामदों। बलिउड स्टारफोरा दोहौ गोनाडे गोदान बोसोरनि फोबों फालिदों। बेराफासे 2024 आ जागायजेन्नाय लोगो लोगोनो काजलआ गावनि नख'रनि सुबुंफोरजों मोनसे समायना सावगारि शेरार खालामदों। जेरव बनि स्टाइलिश आखु आरो गुरे आखुखौ नुनो मोन्दों। ससेल मिडियाआव अजय देबगान आरो काजलनि सावगारिफोरखौ गोबां मोजां मोन्या जादों। अजय आरो

काजलआ गावसोरनि सानै फिसाफोर निसा आरो युगजों लोगोसे पज होदों। काजलआ समबाखालि गावनि इनस्टग्राम हेन्डलआव मोन 3 सावगारिफोरखौ शेरार खालामदों। गिबि सावगारिआव काजलखौ गावनि फिसाइ अजय देबगानखौ अन्नानै बिलिरनाय नुनो मोन्दों। बिसोरजों लोगोसे सानै फिसाफोर निसा देबगान आरो युग देबगानखौ रंजानाय नुनो मोन्दों। बे समायना समनि सावगारिफोरखौ दानिश देबगान आरो निलम देबगानखौबो काजलजों लोगोसे पज होनाय



नुनो मोन्दों। काजलनि बे सावगारिफोरा ससेल मिडियाआव गोखैयै भाइरेल जादों। जर'खा बाश्राय बेदि बे सावगारिफोराव अजयनि

फिसाजो निसा देबगाननि लुकखौ सुबुंफोर गोबां मोजां मोन्दों। सावगारिआव निसाखौ कमला गाबनि सिम्पल वेस्टर्न ड्रेसआव नुनो मोन्दों। काजलनि

खामानिनि बाश्रा बुडोब्ला काजलखौ जोबथा खेब दा ट्रायलआव नुनो मोन्दोंमोन। बेयो मोनसे कर्टरुम ड्रामामोन।

केट्रिना कैफ-भिवकी कौशलआ बालाबारिआव निउ यारनि सुटि फालिदों

भिवकी कौशल आरो केट्रिना कैफखौ बलिउडनि गोखों जराफोरनि गेजेराव मोनसे मानिनाय जायो। साननै सिगां बे जराखौ यारपट्टआव गावसोरनि गोदान बोसोरनि सुटिफोरनि थाखाय थानाय नुनो मोन्दोंमोन। बिसोरनि रमानिक सावगारिफोर आरो भिडिअखौ नायनो थाखाय फेन्सफोरा गोसो होसाराननै नेनानै थायो। बेनि गेजेराव आधिखालाव फेन्सफोरनि नेनानै थानाया जोब्बाय। भिवकी कौशल आरो केट्रिनाआ गावसोरनि गोदान बोसोरनि भेकेसननि नुथायफोरखौ शेरार खालामदों। गुबुन समनि बादिनो बे खेबआवबो केट्रिना



आरो भिवकीनि बे रमानिक सावगारिफोरा दोहौ सोमजिखांहोदों। केट्रिनाआ राजस्तानआव फालिनाय सुटिफोरनि सावगारिफोरखौ

शेरार खालामदों। गिबि सावगारिआव केट्रिनाखौ भिवकीनि फाफिलआव गावनि खर'खौ दोन्याय नुनो मोन्दों। जेरव बिसोरखौ बनफायरनि

गेजेराव लाइभ राजस्ताननि गोजाम देंखोनि रंजानाय लानाय नुनो मोन्दों। केट्रिनाआ जाय सावगारिफोरखौ ससेल मिडियाआव शेरार खालामदों,

वेवहाय बिखौ समायना गुफुर गाबनि बिबार थानाय ड्रेसआव नुनो मोन्दों। बेराफासे बियो गावनि लुकखौ निउड मेकआप आरो मेसि बनजों आबु खालामदों। जेरव भिवकीखौ ब्लेक स्वेटर आरो गांसे स्पर्टि टुफिआव नुनो मोन्दों। केट्रिनाखौ बावैसो समाव टाइगर-3 आव नुनो मोन्दोंमोन।

गाहाम देहानि राहा

इउरिनाव आलौनाय आरो गुबुन जेंना जादोंब्ला डाइटआव माखासे जुसखौ लाफानो हागोन

गात्रि डाइट आरो गोबां थाव-मस्ता होनाय मुवा-बेसादखौ जानायजों देहायाव डिहाइडेशननि जेंनाया सोमजिनो हामो। नैथियाव गात्रि पिइसनि जाहोनाव इडटिआइ इन्फेक्सन आरो भेजाइनल इन्फेक्सनआ जायो। बेबायदियाव बै फुडसखौ गाव-गावनि डाइटआव लाफादेरनांगो, जाय डिउरेटिक जायो आरो इउरिनि फल'खौ गोखै खालामो। बे फुडसआव सडियामखौ मोजां बिबाडव मोनो हायो, जाय इउरिनि फल'खौ गोखै खालामो आरो आलौनाया बाडइ जायो। बेनि अनगायै बेयो इलेक्ट्रोलाइटजोंबो बुंफबनाय जायो, जाय देहायाव हाइड्रेसन आरो एनाजिखौ मोनहोयो।



पिइसखौ मोजांसिन बानायो आरो इउरिनि फल'खौ गोखै खालामो। बेनि अनगायै बेयो देहायाव एनाजि होयो आरो हेल्दीयै दोनो

बुंफबनाय जायो, जाय इउरिनि फल'खौ गोखै खालामो। बेयो ब्लेडरनि पिइसखौ मोजां खालामो आरो इउरिनि फल'खौ मोजां बानायो।

4. खुसेर बिदैआ डिउरेटिक जायो आरो ब्लेडरखौ साखोन-सिखोन खालामनाय इउरिनि फल'खौ बांहोनायाव मदत गोनां जायो। बे जुसखौ लौनायजों नौथानि इउरिनाआ मोजाडे ओंखारो आरो आलौनाया बाडइ जायो। बेनि अनगायै बेयो इलेक्ट्रोलाइटजोंबो बुंफबनाय जायो। जाय देहायाव एनाजि होनायजों लोगोसे हाइड्रेसनखौ बानायनानै लाखिनायाव मदत गोनां जायो। जुदि नौथाडा इउरिजों सोमोन्दो गोनां जेंना आरो आलौदोंब्ला खुसेर बिदैखौ लौनांगो।

करिना कापुर खानआ गोदान बोसोरखौ सुइटरलेन्डआव फालिदों

बलिउड स्टार करिना कापुर खानआ आधिखालाव नख'रनि सुबुंफोरजों लोगोसे निउ इयार भेकेशनआव सुइटरलेन्डआव दहैयो। सशेल मिडियाआव फावखुंग्रिआ लान्थिये गावनि सावगारिफोरखौ शेरार खालामदों। बेनि गेजेराव आधिखालाव बेब'आ माखासे गोदान सावगारिखौ इन्सटाग्रामाव आपडेट खालामदों, जेरव बिखौ फिसाइ सेफनि सायाव गोबां अन्याय होनाय नुनो मोन्दों। करिना कापुर खान आरो सेफ आलि खानआ सम सम गोदान बोसोरखौ गावसोरनि सुइटरलेन्डनि गस्टाडआव फालियो। बे खेबआवबो जराया वेवहायनो भेकेशन फालिदों। मख'नो गोनांदि, सेफ आरो करिनाया सुइटरलेन्डआव गंसे मोजां एपार्टमेंट दड; जायनि बेसेनआ



कौटिरां। बेबायदियाव बेब'आ गावसोरनि गोदान बोसोरनि गिबि पस्ट शेरार खालामदों, जेरव बिखौ सेफजों सफायाव जिरायनाय नुनो मोन्दों आरो मेगनआव ब्लू गाबनि सानग्लास गान्दों आरो केमेरायाव पज होदों। फारसेथिं सेफखौ गुफुर गाबनि सुट गान्नाय नुनो मोन्दों। सावगारि शेरार खालामनानै करिनाया केमेरायाव

लिदों, पिजेआव गावनि डिजे फिसाइजों। बेखौ खोनानायाव गोबां गात्रि खोनादों, नाथाय बेयो दासिमनि बयनिखुइ साबसिन हरमोन (2024)। गोजोन शान्तिखौ गोसारहो, गोदान बोसोरनि मोजां सुबुंफोरनो गाहाम हामलायथि जासिहरो। करिनानि अनगायै आरो मिडियाआव देसि गार्ल प्रियंका चप्रा आरो निक जनासनि

भिडिआबो भाइरेल जादों। बे जराया नख'रनि सुबुंफोर आरो लोगोफोरजों लोगोसे सशेल मिडियाआव गोदान बोसोरखौ बरायदों। करिना कापुरनि वार्कफ्रन्टनि बाश्राखौ बुडोब्ला बावैसो समाव नेटफ्लिक्सआव रिलिज जानाय सावथुन 'जाने-जाने' आरो 'दा बकिंघम माडार्स' आव नुनो मोन्दोंमोन।

आरआरआरनि फावखुंगुर जुनियर अनटिआरआ खुनुरुखुमै जापाननि बांग्रिजों रैखाथि मोन्दों

गोदान दिल्ली, 2 जानुवारी: जापाननि थाखाय गोदान बोसोर 2024 आ गिखंधाव सिलिखार लानानै फेदों। 1 जानुवारीखालि लान्थिये माखासे मावखानाया हादतखौ सोमोखांहोदों। जापानआव बांग्रि मावखानायजों गोबां सिलिखार जानायखौ नुनो मोन्दों। बेनि गेजेराव साउथ सुपर स्टार जुनियर एनटिआरआ मोनसे सोमोनांथाव बाश्रा फोसावदों। आरआरआरनि फावखुंगुर जुनियर एनटिआरआ फोरमायदोंदि, गाव माखासे साननिफ्राय जापानआव दडमोन। बांग्रि मावनायनि माखासे घन्टा सिगांसो गाव बेनिफ्राय ओंखारबोदोंमोन। जुनियर एनटिआरआ जानुवारिनि हरखालि जापानआव फैन्या

बांग्रिखौ लानानै टुइट खालामदों। सोमोनांथाव जाथाइनि सोमोन्दै बाश्रा सावरायनानै फावखुंगुरआ फोरमायदोंदि, गाव गात्रि रोखोमै गोमोखांदों। फावखुंगुरआ जाथाइखौ लानानै उनदाहा खालामदों आरो थाबैनो मोजां जागोननि बाश्रा बुंदों। जुनियर एनटिआरआ बुंदों, गाव बांग्रि मावनायनि माखासे सम सिगांल'न'नि थाखाय ओंखारबोदों आरो बांग्रि मावखानायनि खौरांजों गाव गोथौ दुखु मोन्दों। थानाय गासै सप्ताहायाव गाव वेवहाय सम हगारहदों आरो बेजों भुगिननाय सुबुंफोरजों गाव दुखु मोनफादों। जाय सुबुंफोरो रैखाथियै थानो हादों बिसोरनि थाखाय गाव



गोजोन्दों आरो थाबैनो बेनिफ्राय रिक्वारि जागोन होन्ना गाव आसा खालामदों। जुनियर एनटिआरनि वार्कफ्रन्टनि बाश्राखौ बुडोब्ला, फावखुंगुरआ गोबां प्रजेक्टफोरनि सायाव खामानि मावदों। निउ इयारआव बियो गावनि फैनो गोनां सावथुन देवराजों सोमोन्दो गोनां

आपडेटखौ शेरार खालामदों। फावखुंगुरआ सावथुन आरो टिजारनि रिलिज अक्टखौ फोसावदों। देवरनि अनगायै जुनियर एनटिआरआ आरोबाव मोनसे सावथुन एनटिआर 30 खौ लानानै फेगोन। बे सावथुनआव बिनि अपजिटआव जाहन्वी कापुरखौ नुनो मोनगोन।

बिग बस 17 नि अनुराग डभालआ एलिमिनेसननि उनाव रागा जौरवांदों

बिग बस 17 आ मिड उडक इभिक्सनखौ लानानै खौराडव थारदों। न'आव हसखाबे नमिनेसन जानायजों ससेल मिडियानि इनफ्लुएन्सर अनुराग डभालआ स्वनिफ्राय बाइजोआव जाबाय। जायखौ बियो सहायनो हायाखै आरो न'सिडव गोबां दावराव-दावसि सोमजिदों। बिग बसआ मिड उडक इभिक्सनआव एलिमिनेसननि पावराखौ न'नि गोजाम आरो गोदान केपेननो होदों। बेनि उनाव इशा मालभियआ आयशा खान, मुनभर फारुकिआ अनुराग डभाल आरो अर'आ अभिषेक कापुरखौ नमिनेट



खालामो। बिग बसआ साप्रोमबो नख'रनि सुबुंफोरजों लोगोसेयै सा 3 बनि गेजेराव सोरबा सासे बादायारिखौ बाइजोआव खालामनायनि थांखि लानो बुडो। बेनि उनाव बांसिन बादायारिफोरा अनुराग डभालनि मुं लायो।

एलिमिनेसननि हाबाफारिआ जोबनायनि उनाव बिग बसआ स्वनिफ्राय अनुराग डभालनि बाइजोआव थानांगखौ फोसावो। नाथाय अनुराग डभालआ गावनि एभिक्सननि खौरांखौ खोनानाय लोगो लोगोनो गात्रि रोखोमै रागा

जौराडो। रागा जौनानै अनुराग डभालआ स्वनि क्विप्टिभ टीमनि सायाव माखासे बाश्रा बुडो। बिग बस 17 नि फेन पेज बिग बसनि खौरांनि बादिब्ला, अनुराग डभालआ गावनि थाखाय स्टेड लादों आरो मेकासजों गोबां दावराव-दावसि जादों। बियो मेकासनि सायाव दाय जाबसिन्दोंदि, गावनि एलिमिनेसनआ आनफेयर जादों। गावखौ भटनि सायाव बिथा खालामनानै बाइजोआव खालामनो हायैआव एभिक्ट खालामनो थाखाय खैसार सादों।



बलिउडनि मिस्टार पारफेक्सनिस्ट आमिर खानआ आधिखालाव थाबैनो बिहाव जासिगोन। फावखुंगुरनि फिसाजो आयरा खानआ गावनि गोलाव समनि बयफ्रेन्ड नुपुर शिखरेजों जुलि जासिगोन। आधिखालाव बे जरनि जुलिनि अक्टखौ लानानै गोबां रोखोमनि खौराडव सोराडव फेदों, जेरव बुंनाय जादोंदि, 3 जानुवारियाव बिसोरो जुलि जासिगोन। फारसेथिं आधिखालाव बे गासैबेनि गेजेराव आमिर खाननि देरसिन बिदा फेसल खाननि मोनसे भिडियआ सोराहाव फेदों, जेरव बियो बियादेनि जुलिनि लकेशननि सोमोन्दै बाश्रा फोरमायदों। खान नख'शव बे समाव खुसिनि थासारिया सोमजिदों। बेबायदियाव फेसल खानआबो बे खाबुआव बाहागो लागोन। फेसलआबो गावनि बियादै आयरनि जुलिखौ लानानै गोबां थुलुंगाखंदों। समबाखालि बियो पेपारजिजों बाश्रा सावरायनायाव फोरमायदोंदि, आयरा खाननि जुलिनि फांक्शनआ फेगौ साननिफ्राय जागायगोन। बेनि उनाव उदयपुरआवबो माखासे फांक्शनआ जागोन आरो उनाव 13 जानुवारिखालि मुम्बाइयाव बलिउड

स्टारफोरनि थाखाय पार्टिहोगोन। मख'नो गोनांदि, माखासे मिडिया रिपर्टआव बुंनाय बायदिब्ला, बे जराया 3 जानुवारियाव कर्ट मेरिज खालामगोन आरो बेनि उनाव बिसोर सानैनि टैस्टनेशन वेडिआ उदयपुरआव जागोन। आयरा खान आरो बिनि आस्थाम सोनाय नुपुर शिखरेनि जुलिनि फांक्शनआ 3 सान एबा 8-10 जानुवारिसिम सोलिगोन। जुलिनि उनाव आमिर खानआ फिसाजोनि थाखाय ग्रेड रिसेप्शननिबो थांखि लादों। 2024 नि 13 जानुवारियाव मुम्माइआव जागोन, जेरव बलिउडनि गासै मुंदंखा स्टारफोर बाहागो लागोन। थानाय दानआव बे जरनि केलवान सेरेमनिया जादोंमोन।

बलिउडनि मिस्टार पारफेक्सनिस्ट आमिर खानआ आधिखालाव थाबैनो बिहाव जासिगोन। फावखुंगुरनि फिसाजो आयरा खानआ गावनि गोलाव समनि बयफ्रेन्ड नुपुर शिखरेजों जुलि जासिगोन। आधिखालाव बे जरनि जुलिनि अक्टखौ लानानै गोबां रोखोमनि खौराडव सोराडव फेदों, जेरव बुंनाय जादोंदि, 3 जानुवारियाव बिसोरो जुलि जासिगोन। फारसेथिं आधिखालाव बे गासैबेनि गेजेराव आमिर खाननि देरसिन बिदा फेसल खाननि मोनसे भिडियआ सोराहाव फेदों, जेरव बियो बियादेनि जुलिनि लकेशननि सोमोन्दै बाश्रा फोरमायदों। खान नख'शव बे समाव खुसिनि थासारिया सोमजिदों। बेबायदियाव फेसल खानआबो बे खाबुआव बाहागो लागोन। फेसलआबो गावनि बियादै आयरनि जुलिखौ लानानै गोबां थुलुंगाखंदों। समबाखालि बियो पेपारजिजों बाश्रा सावरायनायाव फोरमायदोंदि, आयरा खाननि जुलिनि फांक्शनआ फेगौ साननिफ्राय जागायगोन। बेनि उनाव उदयपुरआवबो माखासे फांक्शनआ जागोन आरो उनाव 13 जानुवारिखालि मुम्बाइयाव बलिउड

जापाननि बांग्रि मावनायाव अरायसम थि समावनो खारग्रा बुलेट ट्रेनखौबो होबथादों

जापान, 2 जानेवारी: मुलुगनाडे गावनि गोखैथि आरो समनि रिसट्रिक्शननि थाखाय मुंदांखा जानाय जापाननि बुलेट ट्रेनफोरखौबो समबारखालि फेनाय बांग्रिनि उनाव माखासे समनि थाखाय दोन्थ 'नो गोनां जादों। बांग्रिनि उनाव गं 4 बुलेट ट्रेनफोरनि साभिस्खौ होबथानो गोनां जादोंमोन, नाथाय बेखौ गोदाने जागायफिन्नाय जाबाय। सिएएनन बायदिब्ला, जापाननि पब्लिक ब्रडकास्टार एनएचकेआ फोरमायदोंदि, 7.5 गोखैथिजों बांग्रि मावनायनि उनाव गेजेर जापाननि गेजेरव शाहरफोर ट'यामा आरो कनाजावानि गेजेरव हाइ-स्पीड ट्रेनफोर थाबथाना थादोंमोन। बिबानगिरिफोर फोरमायदोंदि, 11 घन्टानिफ्राय बांसिन समसिम थाबथानानै थानायनि उनाव गं 6 ट्रेनफोर मंगलबारखालि जायगानिनो सम हिसाबे सोरोसि



4 रिगायाव ट'यामा स्टेशनआव सौहैदों। गुबुन फारसेथि थांग्रा गुबुन गं 4 ट्रेनफोर इशिका राइज्योनि कनावाजा स्टेशनआव सौहैदों। एनएचकेआ जापान रेलवे वेस्टनि पारसे गथायनानै बुंदोंदि, हाइ स्पीड ट्रेनफोरनि गासै 1,400 दावबायारिफोरा थाबथाना थादोंमोन। बियो फोरमायदोंदि, नेनांनय समाव

ट्रेनफोराव रावबो बेरामाव गोलैनायनि जेबो रिपर्ट मोन्नाय जायाखै। बेनि गेजेराव जापानआव बांग्रिजों सा 6 सुबुंफोर थैनायनि खौरं मोन्दों। एनएचकेआ पुलिसनि गथायनयजों फोरमायदोंदि, जापाननि इशिकावा राइज्योआव गासै सा 6 सुबुंफोर थैदों। रिपर्टनि

बायदिब्ला ट'यामा आरो निगाटाजों लोगोसे दर 4 गुबुन राइज्योआव सा 12 सुबुंफोरा जोखोम जादों। फारसेथि फायार डिपार्टमेंटआ बुंदोंदि, गावसोर बायग्रबनाय न', बिल्डिनि सिहाव सुबुंफोर थाबथाना थानायनि खौरं मोन्नायाव दासिमबो नायबिजिरागिसिनो दड।

इजराइलनि सासे नंखाय सान्थिआ हमासनि हेंथायै दावहा नादों

जेरुशालेम, 2 जानेवारी: हमासनि हेंथायै सोलिनय इजराइलनि दावहायाव मोनसे सोमोनांथाव जाथाया सोराडव फेदों। सासे सुबुड गावखौ सान्थि होन्ना फोरमायनानै इजराइलनि सान्थिनि मोनसे हान्जाजों लोगोसे हमासनि हेंथायै दावहा नादों आरो आधिखालाव बिनि सायाव हाथियार खानायनि दाय जाबसिन्दों। नायबिजिरनायाव मिथिनो मोन्नाय जादोंदि, बै सुबुडा माब्लाबाबो सान्थि हान्जायाव बाहागो लायाखैमोन। सुलुनि बादिब्ला, 25 बोसोरनि रइ यिफ्रेकआ 7 अक्टबरखालि हमासनि गाग्लोबनाय थासारिनि मुलाम्फा लादों आरो हमासनि हेंथायै दावहायाव बाहागो लादों। सुलुनि बादिब्ला, यिफ्रेकआ गोबां बिबांनि सान्थियारि हाथियार, दावहा नांग्रा मुवा-बेसाद आरो टेलकमिउनिक्सन इकु इपमेन्टजों लोगोसे सान्थिफोरनि बाहायग्रा मुवा-बेसादफोरखौ खावदों।



इजराइलनि मिडियाआ फोरमायदोंदि, बियो गाजाआव दावहा नांनयजों सम हगार हरदों आरो लोगोसेनो ओन्सोलाव सान्थिफोरजों लोगो हमनो थानाय गाहाइ मन्थि बेन्जामिन नेतन्याहुनि मोनसे दावबायनाय समाव बिजों लोगोसे बिनि मोनसे सावगारिआबो सोराडव फेदों। अजद दैखानाय बादिब्ला, यिफ्रेकआ 2 अक्टबरखालि खोला इजराइलआव थादोंमोन आरो

बियो गावखौ एन्टि टेररिस्ट इडनिटनि सासे सान्थि, बमा डिसपस खालामग्रा जर'खागिरि आरो रैखाथि सिबिथायनि सोद्रोमा महरै सिनायथि होदोंमोन। पुलिसआ यिफ्रेकखौ 7 डिसेम्बरखालि हमो आरो बिनिफ्राय गोबां बिबांनि हाथियार, गुलि-बारुद, मेगजिन, वकि-टकि, गंसे इन्, सान्थिफोरनि खसाव आरो गुबुन सान्थियारि मुवा-बेसादफोरखौ मोन्ना हदों। यिफ्रेकनि उकिल

इटन सबागआ इजराइलनि सेनेल 12 टिभिनी फोरमायदोंदि, बियो पेरामेडिक महरै मददनि थाखाय थादोंमोन आरो बियो नै दाननिफ्राय बांसिन सम जोबोद मोजाडे दावहा नादों। सबागआ बुंवावदोंदि, बियो दावहानि गेजेराव सुबुंफोरखौ मदद होदों आरो बिसोरखौ रैखाथि होनायाव मदद होदोंमोन। बियो उतरखारिफोरनि हेंथायैबो जुजिदों।

खोला करियानि बेरेखा पारिनि दैदेनगिरि लि जे म्युंरवौ दाबा सुरिजों गाग्लोबदों

सियल, 2 जानेवारी: खोला करियानि बेरेखा दोलोनि सासे गोखों दैदेनगिरिखौ गोब्राबै गाग्लोबदों। मंगलबारखालि जे म्युनि सायाव खोला-सान्जानि सहर बुसानआव दावबायहैनाय समाव सासे सिनायमोनै सुबुड दाबा सुरिजों गाग्लोबनानै जोखोम खालामो। बै सहरनि गंसे गोदान उरां गाथोन बानायबाय थानायखौ नायगिदिहैनाय समावनो बिथांखौ दुथांआ गाग्लोबो। बिबानगिरिफोरा बुंनय बादिब्ला, खोला करियानि गाहाइ बेरेखा दोलो डेमक्रेटिक पार्टिनि गाहाइ ली हशानि देहायारि थासारिआ गोब्राब। खोला करियानि मिडियाआव



बुंदों, सुबुड लीनि गोदोनायाव दाबा सुरि बायदि गोबो हाथियारजों गाग्लोबदों। 2022 नि हादरगिरि बिसायख 'थियाव लीआ आधिखालिनि हादरगिरि युं सुक येअलजों सरासन्त्ता फारगथिआवनो जेन्नादोंमोन। दुथाडा गाग्लोबनायनि उनाव दैदेनगिरि लीखौ गोब्राब

थासारिआव जायगानि इडनिभासिदि हस्पतालआव थिसन्नाय जायो। सुलुनि बादिब्ला, दायनिगिरिआ 50-60 बोसोर बैसोनिमोन। दुथानि गोबो हाथियारजों गाग्लोबनायाव लीनि गोदोनायाव 1 से:मि: गोथौ जोखोम जायो आरो

दायनिगिरिआ बिनि मुं लिरनाय लेखानि मुखुग गान्दोंमोन। दायनिगिरिआ अटग्राफ लानो लीनि साखाथियाव फेयो आरो हरखाबै आवगायनानै गोखै बिथांखौ दाबा सुरिजों गाग्लोबो। रैखाथि बिबानगिरिफोरा बे समाव दैदेनगिरिनि सायाव गाग्लोबनाय जाथायखौ हादरगिरि युं सुक येअलआ सोंखारिदों आरो बेयो मोनसे गनायजाथावै मुगैथाव जाथाय होन्ना नै बुडो। हादरगिरि मावख'आ लीनि थाखाय गोथौ दुखु मोन्नाय फोरमायो आरो साबसिन फाहामथाय होनो थाखाय बिथोन होयो, जाहाथे बिथाडा थाबैनो मोजाडाव फेयो।

नोगोद रानि आंखालाव गोग्लैनाय पाकिस्तान आइएमएफनिफ्राय रं दाहारनि नैथि किस्तिखौ मोनसिगोन

गोदान दिल्ली, 2 जानेवारी: गोबाव समनिफ्रायनो रंखाथिनि जेनाजों मोगा-मोगि जानांनय पाकिस्तानआ लान्थियेनो दाहारनि फलन्थ'आव गाब्रागिसिनो। आइएमएफनिफ्राय पाकिस्तान मोनसेबाव किस्तिखौ मोनसिगोन होन्ना नै खौरं मोन्नाय जादों, जेराव बियो उरनि किस्ती महरै 70 कौटि आमेरिकान डलार मोनगोननि आसा दड। सुलुनि बादिब्ला, वाशिंगटनआव थानाय आइएमएफनि बर्डआ आधिखालिनि 3 आरब आमेरिकान डलारनि स्टेड-बाय एरेन्जमेन्टनि गेजेरजों पाकिस्ताननो 70 कौटि आमेरिकान डलारनि गिबि किस्तीनि डिस्ट्रिबुडसनआव सावरायनो आरो जोबथा



गनायथि होनो थाखाय थियारि। आइएमएफ मावख'यारि बर्ड केलेन्डारनि बादिब्ला, जानो गोनां जथुम्माआ 8, 10 आरो 11 जानेवारीआव थि खालामजादों। जेराव जोबथा सानआव पाकिस्ताननि आयदायाव सावरायगोन।

पाकिस्तानआ आइएमएफनिफ्राय मोन्ना गोनां किस्तीआ 1.8 आरब आमेरिकान डलार आद्रा दबावो। थानाय जुलाइआवनो बेनि 1.2 आरब डलारनि गिबि किस्तीखौ हरदोंमोन। पाकिस्ताननि एसबिएनि गेजेरजों गिबि नायसंनयनि

सोमोन्दोआव आइएमएफ मावफारियाफोर आरो पाकिस्तानी बिबानगिरिफोरनि गेजेराव मोनसे मावख'यारि थाखांनि रादायआ 2023 नि नभेम्बरआव जादोंमोन। थानाय बोसोरनि मोनसे रिपर्टआव बुंनय जादोंदि, वर्ल्ड बैंकआ गावनि बोसोरारि रिपर्टआव फोरमायदोंदि, रंखाथि बोसोर 2023 आव पाकिस्तान इन्टारने सनेल डेभेलपमेन्ट ए स'सि ए स नि फ 1 य बयनिखुडबो बांसिन दाहार लाग्रा हादर जानानै फेदों। पाकिस्तानआ 2.3 बिलियन डलार दाहार लादों। दै बानानि खैफोदजों भुगिनाय समाव वर्ल्ड बैंकआ पाकिस्ताननो 1.7 बिलियन डलार मदद हरदोंमोन।

आमेरिकायाव गोदान बोसोरनि पार्टिआव गुलि गावनाय जाथाय, सा 3 सुबुंनि जिउ गोमादों



जाथायाव सा 3 सुबुंफोरनि जिउ गोमादों। सुलुनि बायदिब्ला, बिबानगिरिफोरा फोरमायदों, लस एन्जेलिस सहरनि मोनसे होंगो-दोंगो ओन्सोलाव निउ यार पार्टि सोलिवाय थादोंमोन। पार्टि सोलिफुनाय समावनो गुलि गावग्लुनाय जाथाय जायो, जेराव सा 2 सुबुंफोरा जिउ गोमायो आरो सा 8 सुबुंफोरा जोखोम जायो। पुलिसनि बादिब्ला, समबारखालि हरनि 1.00 रिगासो समाव गावसोर गुलि गावनायनि सोदोब खोनानो

मोन्दों। गुलि गावनाय जाथाया मोनसे पार्टिआव दावराव जानायनि उनाव जायो। अदेबानि गुलि गावग्रा गुबै दायनिगिरिनि बागै खौरं मोन्नाय जायाखै। बेरफासै लस एन्जेलिस काउन्टि शेरिफ बिफानआ खौरं मोन्नाय बादिब्ला, गुबुन गुलि गावनाय जाथाया हथरन सहराव जादों। जेराव सासे आइजोनि जिउ गोमायो आरो सा 4 जोखोम जायो। जोखोम जानायफोरनि सासेनि थासारिखौ गोब्राब होन्ना नै खौरं मोन्ना हदों।

फैगौ सान 2-3 नि गेजेराव बै ओन्सोलावनो आरोबाव गिदिर बांग्रि फेनो हागौ।

सिरियाआव सान्थि आरो बिग्रायारिफोरनि गेजेराव गुलि गावलायनायाव सा 8 जिउ ख'हा, सा 10 जोखोम जायो



बेरुत, 2 जानेवारी: सा-सोनव सिरियाआव सान्थि आरो बिग्रायारिफोरनि गेजेराव

थैनायफोरनि गेजेराव सासे उन्दै गथ'बो दंफायो। बे गुलि गावग्लुनायाव सा 19 सुबुंफोरा जोखोम जायो। सुबुं मोन्थाइफोरनि थाखाय सिरियान अब्जाभैरिआ बुंदोंदि, सिरियानि सरकारआ सामलायनाय अलेप्प राइज्योनि नुबुल आरो जहरा गामिफोराव एचएसआ बमा होदों, जेराव सासे बोराय, सासे आइजो आरो बिनि फिसाजोनि जिउ गोमायो। बे बमा होनायाव सा 10 जोखोमबो जायो। अब्जाभैरिआ बुंवावदोंदि,

सिरियान सान्थिआ बेनि फिनजाथाइ होना नै अलेप्पनि दायत इज्जा सहरनि सुबुंफोर थाग्रा माखासे ओन्सोलाव बमा गावो, जेराव सा 3 नोगोरिफोरनि जिउ गोमायो आरो सा 9 जोखोम जायो। रंखाथि होग्रा हान्जा आरो अब्जाभैरिआ बायदिब्ला, थानाय सप्ताहयाव इदलिब प्रान्तआव रासियानि उरांजों गाग्लोबनायाव सा 3 उन्दैफोरजों लोगोसे नख'र सेनिनो सा 5 सुबुंफोरनि जिउ गोमादोंमोन।

सोमोन्दोआव आइएमएफ मावफारियाफोर आरो पाकिस्तानी बिबानगिरिफोरनि गेजेराव मोनसे मावख'यारि थाखांनि रादायआ 2023 नि नभेम्बरआव जादोंमोन। थानाय बोसोरनि मोनसे रिपर्टआव बुंनय जादोंदि, वर्ल्ड बैंकआ गावनि बोसोरारि रिपर्टआव फोरमायदोंदि, रंखाथि बोसोर 2023 आव पाकिस्तान इन्टारने सनेल डेभेलपमेन्ट ए स'सि ए स नि फ 1 य बयनिखुडबो बांसिन दाहार लाग्रा हादर जानानै फेदों। पाकिस्तानआ 2.3 बिलियन डलार दाहार लादों। दै बानानि खैफोदजों भुगिनाय समाव वर्ल्ड बैंकआ पाकिस्ताननो 1.7 बिलियन डलार मदद हरदोंमोन।

गोदान बोसोरआ जापानआव सिलिखार लाबोदों

गोदान दिल्ली, 2 जानेवारी: गोदान बोसोर जापाननि थाखाय लोगोआव सिलिखार लानानै फेदों होन्ना बुंजायो। गोदान बोसोरनि गिबि सानआवनो जापाननि गुबुन गुबुन जायगाफोराव गासै खेब 21 बांग्रि मावो। समबार बेलासिनि 4 रिगासोनि उनाव 4 रिक्टरनि बांसिन गोखैथिनि गले-गले बांग्रि मावो। नाथाय गोबां बांग्रि मावनायनि खेबसेआ 7.6 रिक्टर थिसनजादों। गिखंथाव बांग्रि मावनायनि उनाव लैथोमायाव गोजौ-गोजौ दोहौ सोमजिदों आरो लामाफोराबो गावदों। सुनामिनि 1 मिटरसिम गोजौ दोहौआ बांग्रि मावखानायनि उनावबो सोमजिथो।



मख'जाथावदि, 24 गन्टयाव गासै 155 खेब बांग्रि मावो, जायनि गेजेराव 7.6 रिक्टरआनो बयनिखुडबो बांसिनमोन। जायगा-जायगा बे बांग्रिजों लामाफोरा गावस्रादों आरो उरां गाथोननि रानवेआवबो गावस्रानाय नुनो मोन्दों, जायनि उनाव जायगानि उरां गाथोनखौ बन्द खालामो। माखासे जायगायाव लामाफोराव गिदिर हा गावनायाव सुबुंफोरनि गारिया

थाबथानानै थायो। रिक्टर स्केलआव गोबां खेब मावनाय बांग्रिखौ 4 रिक्टरनि बांसिन मोन्दों। फारसेथि 7.6 रिक्टरनि बांग्रिआ बयनिखुडबो गिखंथावसिन सिलिखार खालामदों। रोजा-रोजा सुबुंफोरा मोब्लिब गैथै खोमसियै हरखौ हगारनादों आरो खायसेआ उखैनायखौ सहायनानै थानादों। जापान बोथोर बिगियान एजेन्सिनि बुंनय बायदिब्ला,

गोदान दिल्ली, 2 जानेवारी: गोदान बोसोरनि नैथि सानआव सना-रुफानि बेसेनखौ बांनय नुनो मोन्दों। सनानि नख'रारि बेसेनआबो दावखोनानै फालांगि खालामदों। एमसिएक्स एक्सेन्सआव मंगलबारखालि फुंनि समाव फेगौ 5 फेब्रुवारी 2024 नि डिलिभारि जानो गोनां सनाआ 0.19 जौखोन्दो एबा 120 रं बांनयजों मोनफ्रोमबो 10 ग्रामआव 36,440 राडै फालांगि खालामदों। मुलुगनां

गोदान बोसोराव सना आरो रुफानि बेसेनआ बांदों

थाखोआवबो सनानि बेसेनआ दावखोनायजों फालांगि खालामदों। बेरफासै सनाजों लोगोसे रुफानि नख'रारि बेसेनआवबो दावखोनाय नुनो मोन्दों। एमसिएक्स एक्सेन्सआव मंगलबार फुडव फेगौ 5 मार्च 2024 नि डिलिभारि जानो गोनां रुफानि बेसेनआ 0.32 जौखोन्दो एबा 239 रं बांनानै मोनफ्रोम कि:प्रा:आव 74,629 राडव फालांगि खालामदों। मुलुगनां



बाजारनि बाथा बुडोब्ला, मंगलबारआव सनानि गुबै बेसेनआ 0.34 जौखोन्दो एबा 7 डलार बांनानै मोनफ्रोम

28.34 ग्रामआव 2078.80 डलारआव फालांगि खालामनाय नुनो मोन्दों। बेरफासै सनानि मुलुगनां दैखानो मोन्नाय

बेसेनआ 0.34 जौखोन्दो एबा 6.95 डलार बांनयजों 2069.93 डलारआव ट्रेड खालामनाय नुनो मोन्दों। सनाजों लोगोसेनो रुफाआवो मुलुगनां थाखोआव बारयदों। मंगलबारखालि फुंनि रिपर्ट बादिब्ला, मुलुगनां थाखोआ रुफानि बेसेनआ 0.39 जौखोन्दो एबा 0.09 डलार बांनयजों मोनफ्रोम 31.10 ग्रामआव 24.18 डलारै फालांगि खालामदों।

भारत आ 2024 नि सिजनआव सा 6 गेलेगिरिनिफ्राय गिदिर मिजिंथि लादौं

गोदान दिल्ली, 2 जानुवारी: सोलिफु बोसोराव खेबनै आइसिसि टुर्नामेन्ट आरो अलिम्पिक गेम्स आ खुंजागोन। फेगौं 26 जुलाइनफ्राय 11 आगस्टसिम भारतीय गेलेगिरिफोरा पेरिस अलिम्पिक आव सेलेन्ज लाखिगोन। गुबुन फार्से आइसिसिसि मोननै गिदिर टुर्नामेन्टआव भारतीय क्रिकेट टीमफोरा बिमुंनि थांखिजौं आंखारगोन। फेगौं जुन दानआव हाँवा आरो सेपेम्बर-अक्टोबर दानआव आइजोफोरनि टी-20 वर्ल्ड कापआ खुंफुंजागोन। गिबि खेब आमेरिकायाव खुं जानो गोनां आइसिसिसि इभेन्टआव भारतआ फिन जाँरिमिन थिसन्नो नाजागोन। बेबादि थासारिआव सोलिफु बोसोराव भारतआ सा 6 गेलेगिरिफोर फारियै जेभलिन खुबैग्रा निरज चप्रा, बक्सर निमकत जरिन, शुटार एश्वर्य प्रताप सिं तमर, क्रिकेटर ऋषभ पन्ट आरो बे डमिन्डन डबल्सआव सात्विक-सिरागनि सायाव नोजोर गोलेगोन। अलिम्पिक सेम्पियन जेभलिन खुबैग्रा निरजआ गावनि बिमुंखौ फाननै बाँहोनो नाजागोन। 26 बोसोरनि निरजआ सोलिफु समाव आफ्रिकायाव ट्रेनिं



खालामगासिनो दड। 85 सानसिम बिथाडा बे हादरआवनो गावनि साबसिन फर्मखौ लाबोनो नाजागोन। बेनि उनाव अलिम्पिकनि थियारिनि थाखाय निरजआ इउरपसिम दावबायगोन। बिथाडा अलिम्पिकनि सिगां गावनि गाहाइ मिजिंथि 90 मिटार जान्थायखौ बारनो नाजागोन। खेबनै वर्ल्ड सेम्पियन जाखानाय निकत जरिनआबो सोलिफु बोसोराव मोननै गिदिर टुर्नामेन्टआव सनानि मेडेल देरहानो नाजागोन। गिबियाव काजाकिस्तानआव वर्ल्ड बक्सिं सेम्पियनसिपआव बाहागो लानो गोनां निकतआ बे इवेन्टआव गावनि सनानि मेडेलखौ हेट्टिक स्करआव लाबोनो नाजागोन। लाइट फ्लाइटवेट के टेगरिनि बक्सर निकतआ अलिम्पिक

गेम्सआव सनानि मेडेल देरहानायखौ गावनि गाहाइ थांखि फोरमायदौं। 22 बोसोरनि लाइमोन शुटार एश्वर्यआ एसियान गेम्सआव गंनै सना, गंसे सिलभार, गंसे ब्रन्ज मेडेल देरहानायजौं जाफुंसार शुटारनि सिनायथि होनो हादौं। गावनि मोजां फर्मखौ लाखिनायनि थाखाय बिथाडा गोब्राव नाजागासिनो दड। एयार राइफल शुटार 2023 आव बिथाडा वर्ल्ड रेकर्ड थिसनखां बाय। सात्विकसाइराज रेन्किरेडु-सिराग शेतनि जराआ 2023 आव एसियान गेम्स आरो एसियान सेम्पियनसिपआव सनानि मेडेल देरहानायनि अनगायै खेबथापम अपेन टुर्नामेन्टआवबो सेम्पियन जादौं। वर्ल्ड रेकर्डआव गिबि नम्बरआव जायगा आवग्रिखानाय बिसोर

सानैनि जराआ आथिखालावबो मोजां फर्मआवनो दड। बेबादि थासारिआव भारतआ बिसोर सानैनिफ्राय अलिम्पिकआव गिबियै वेडमिन्टननि फोथारआव सनानि मेडेल मोन्नो हास्थायगोन। 2022 नि डिसेम्बर दानआव लामानि जाब्राथायव गोगलैनां गान्थियै जोखोम जानाय ऋषभ पन्टआ क्रिकेटनि फोथारनिफ्राय 1 बोसोरनिखुडबो बांसिन सम जानगारआव थाबाय। बिथाडा नाथाय सोलिफु बोसोराव आइपिएलनिफ्राय गेलेनायखौ जागायफिनसिगोन। दिल्ली केपिटेलसआ पन्टखौ रिटन खालामफिन्दौं। जायनि जाउनाव बिथाडा केपेन महरै नैथि खेब आइपिएलनि फोथारव आंखारगोन। बेनिफ्राय बिथाडा टी-20 वर्ल्ड कापनि थाखाय थियारि जागोन।

असाकाआ बिमा जानायनि उनाव कर्तआव आंखारफिनबाय

टकिय, 2 जानुवारी: जापाननि मुंदांखा आइजो टेनिस गेलेगिरि नाअमी असाकाआ बिमा जानायनि उनाव टेनिसनि फोथारआव आंखारफिनबाय। बिथाडा अस्ट्रेलियान अपेनि सिगांनो ब्रिजबेन इन्टरनेसनलआव गावनि गिबि मेचखौ देरहाजेन्दौं। चेक रिपब्लिकनि वर्ल्ड नम्बर 17 पेद्रा क्वितभाआ अस्ट्रेलियान अपेनआव बे खेबआव बाहागो जानाय नंला। मानोना बिथाडा सोलिफु समाव बिमा जानायनि लामायाव दड। सिजननि गिबि ग्रेन्डस्लेम अस्ट्रेलियान अपेनि थियारिनि थाखाय गेलेगिरिफोरा ब्रिजबेन इन्टरनेसनलआव बाहागो लायो। फेगौं 15 जानुवारीनिफ्राय जानो गोनां बे ग्रेन्डस्लेमनि सिगां असाकाआ गावनि फर्मखौ मोनफिनो नाजागोन। ब्रिजबेन इन्टरनेसनलनिफ्राय देरहानायजौं जागायनाय असाकाआ 15 दाननि उनावसो कर्तआव



आंखारदौंबलाबो लान्थियै सेटआव देरहादौं। बिथाडा जार्माननि तमारा करपासचखौ 6-3, 7-6 स्करआव फेजेन्दौं। बे खेबआव असाकाआ 16 थिंकेनि चेक रिपब्लिकनि केरलना प्लिसक भानि सेलेन्जआव आंखारगोन। बे मेचआव असाकाआ गिबि सेटआव गोलैयैनो देरहादौंमोन। बिथाडा जार्माननि गेलेगिरिनि हेंथायै नैथि सेटआव 5-3 स्करआव सार्विसआव गेलेबाय थानाय समावनो बिथाडा सार्विसखौ खोमानादौं। जायनि जाउनाव मेचखौ टाइ ब्रेकारसिम लांनाडे।

उनाव उदांडे जानो हानाय, दैन्य गुन आरो गावयारि फोथारनायाव गोखौंसिन जाबोनायखौ फोरमायानां गोसोयारि बिथिडावबो मोजां जानायजौं जेनाफोरखौ गुबुन पजिटिभ नोजोरजौं बिजिसनो हानाय गोहो फैनायखौ मिथिहोदौं। मुलुगनि नम्बर 17 गेलेगिरि पेद्रा क्वितभाआ फेगौं 14 जानुवारीनिफ्राय जानो गोनां बोसोरनि गिबि ग्रेन्डस्लेमआव बाहागो जानाय नड। बिथाडा सोलिफु बोसोरनि गिबि सानआवनो इनस्टाग्रामआव गावनि गिबि गथ'नि बिमा जागोनखौ फोसावदौंमोन। पेद्राआ 2011 आरो 2014 आव अस्ट्रेलियान अपेननि बिमुं देरहादौं। बिथाडा थानाय अक्टबर दानआव चीना अपेनआव गावनि जोबथा मेच गेलेदौंमोन। जेयव बिथाडा नैथि राउन्डआवनो जानगारनांमोन। पेद्राआ 2023 आव गावनि कच जिरी बानेकजौं जुलि जादौंमोन।

स्वियातेकनि मददजौं पलेण्डनि टीमआ क्वार्टर फाइनालाव सौहैनो हादौं

माद्रिद, 2 जानुवारी: मुलुगनि नम्बर 1 आइजो गेलेगिरि इगा स्वियातेकआ मोजाडै दिन्थिफुनानै पलेण्डखौ स्पेनिन हेंथायै 2-1 स्करआव देरहाहोनायजौं इनाइटडे काप टेनिस टुर्नामेन्टनि क्वार्टर फाइनालाव सौहैहोबाय। एलेक्जेन्ड्र डेबिडिभिक पकिनाआ ह्युबार्त हुर्कासखौ 3-6, 6-3, 6-4 स्करआव फेजेन्नानै स्पेनखौ 1-0 स्करआव आवगायहोजेन्दौंबलाबो बेनि उनाव स्वियातेकआ आइजो सिंगेल्सआव सारा सरिबेस तर्मखौ 6-2, 6-1 स्करआव फेजेन्नानै समान स्करआव लाबोफिन्दौं। बेनि उनाव स्वियातेक आरो हुर्कासआ मिक्स डबल्सआव 6-0, 6-0 स्करआव गोलैयैनो देरहानानै पलेण्डनि टीमखौ जोबथा 8 आव आवगायहैयो। बे समाव केस्फार रुडआ क्रएसियानि हेंथायै सिंगेल आरो मिक्स डबल्सआव देरहानानै नर्वेनि क्वार्टर फाइनालाव सौहैनायनि मिजिंथि गोथाडे लाखिनो हादौं। दना भेकिसआ मेलेन हेलगखौ 7-5, 3-6, 6-3 स्करआव फेजेन्नानै क्रएसियाखौ 1-0 स्करआव आवगायहैदौं। रुडआ बेनि उनाव फिन बर्ना करिसखौ 6-4, 6-1 स्करआव फेजेन्नानै बादायनायखौ मिक्स डबल्स मेचसिम आवगायहैयो। जेराव बिथानि टीम नर्वेआ टाइ ब्रेकारआव देरहानो हायो। बेनि सिगां नभाक जकभिचआ पर्थआव 10 बोसोरनि उनाव गिबियै मेच गेलेनानै सार्वियाखौ चीननि हेंथायै 2-1 स्करआव देरहाहोनी हादौं।



किशर जेना आरो दिपि मनुआ एआइइउनि आरटिपिआव जायगा मोन्दौं

गोदान दिल्ली, 2 जानुवारी: एसियान गेम्सनि सिलभार मेडेलिस्ट जेभलिन खुबैग्रा किशर जेना आरो दिपि मनुआ अलिम्पिक सेम्पियन निरज चप्राजौं लोगोसे वर्ल्ड ट्रेक्ट एन्ड फिल्डनि एन्ट्रिडि वाट्सडगा एथलेटिक्स इन्ट्रिडि इउनिट (एआइइउ)नि रेजिस्टार पेस्टिं पुल(आरटिपि)नि फारिआव जायगा मोन्दौं। सोलिफु वर्ल्ड सेम्पियन आरो एसियान गेम्सनि गल्ड मेडेलिस्ट चप्राआ थानाय माखासे समफोरनि सिगां आरटिपिआव जायगा मोन्दौं। नाथाय जेना आरो मनुआ गिबि खेब बे फारिआव थिसनजादौं। बेनिफ्राय हमदांनो हायोदि, जेभलिन खुबैनायनि हारिमायारि



ले भेलआव भारतीय गेलेगिरिफोर गावसोरनि गोखौं आगानखौ लाखिगासिनो दड। जेनाआ हांगेरिनि बुदापेस्टआव खुंजानाय वर्ल्ड सेम्पियनसिप 2023 आव बाधि आरो मनुआ 6 थि नम्बरआव जायगा आवग्रिदौंमोन। गुबुन फार्से

चप्राआ बे सेम्पियनसिपआव सनानि मेडेल देरहादौंमोन। भारतनि साथम गेलेगिरिफोर टप 6 आव जायगा आवग्रिनां मोनसे रेकर्ड थिसन्दौं। जायनि मददजौंनो गावसोरखौ हाइलाइटआव लाखिनानै सा 7 गेलेगिरिफोरा एआइइउनि

आरटिपिआव थिसनजादौं। 3000 मिटार स्विट्सलचेसनि एथलीट अभिनाश शावले, आइजो जेभलिन खुबैग्रा अनु रानि आरो लं जाम्पार मुरली श्रीशंकरनि अनगायै जेस्विन एल्डिनआबो बे फारिलाइआव जायगा मोन्दौं।

रनाल्डआ 2017 नि उनाव टप स्करार फुटबलार जानो हादौं

लिस्बन, 2 जानुवारी: मुलुगनि मुंदांखा फुटबलारफोरनि गेजेराव सासे क्रिस्टियान रनाल्डआ 2023 नि सिजनआव गासै 54 गल सोनायजौं बोसोरनि गेजेराव बयनिखुडबो बांसिन गल सोग्रा फुटबलार जानो हादौं। बिथाडा गावनि बे जाफुंसारनायनि उनाव 2024 नि सिजनआवबो बेबादि रेकर्ड लाखिनो नाजागोननि फोरमायथिदौं। पुर्तुगालनि स्टार रनाल्डआ अल नासेरनि जानानै सौदि प्र: लीगआव अल तावउननि हेंथायै गरसे गल सोनानै बोसोरसेनि गेजेराव गावनि स्करखौ 54 सिम आवगायहोदौंमोन। रनाल्डनि बे गलजौंनो नासेरआ बे मेचआव 4-1 स्करआव देरहादौं। रनाल्डआ बाहागो जानायनि

उनाव बे देरहानाया नासेरनि लान्थियै त्रैथि खेब देरहानाय। बिथानि टीमआ लीगआव गेलेनाय खेब 19 मेचआव खेब 15 देरहानायजौं 46 पइन्टआव नैथि नम्बरआव जायगा मोनो। किं आब्डुल्लाह स्पर्टसिस्टि स्टेडियामआव गेलेनाय बे मेचआव नासेरनिफ्राय मार्सेल' ब्रजभिचआ गिबियै 26 मिनिटआव गल सोनायनि उनाव एमेरिक लेपर्तआ 35 मिनिट, अताभियआ 50 मिनिट आरो रनाल्डआ 90'2 मिनिटआव गल सोदौं। अल तावउननि थाखाय गरसेल' गलखौ आसरफ अल महदिउइआ 13 मिनिटआव गल सोदौं। रनाल्डआ 2017 नि उनाव गिबि खेब मोनसे



के लेन्डारआव 50 निखुइ बांसिन गल सोनो हादौं। 38 बोसोरनि रनाल्डआ 2022 नि डिसेम्बर दानआव सौदि आरबसिम दावबायदौंमोन। बिथाडा 2016 नि उनाव नैथि खेब बांसिन गल सोनो हादौं। बै समाव रनाल्डआ 55 गल सोनो हादौंमोन। 2016 आव बेलन-डि-अर बान्था देरहानाय

रनाल्डआ मोनसे केलेन्डार बोसोराव मुलुगनि टप गल स्करार महरै खेब 5 जायगा आवग्रिनो हाबाय। बेनि सिगां रनाल्डआ 2011, 2013, 2014 आरो 2015 आवबो टप गल स्करार जानो हादौंमोन। बै समाव बिथाडा रिएल माद्रिदनि जानानै गल सोदौंमोन।

मेसिनि जार्सि नम्बरआ आजिरा मोनसिगोन

ब्यूस आचार, 2 जानुवारी: आर्जेन्टिनानि मुंदांखा फुटबलार आरो फिफा वर्ल्ड काप 2022 नि बिमुं देरहानाय केपेन लियनेल मेसिआ 2016 आव गेलेनायनिफ्राय आजिरा लानायनि उनाव फिन फोथारआव आंखारफिन्दौंमोन। नाथाय बे खेबआव मेसिआ आजिरा लानायनि उनावनो बिथानि 10 नम्बरनि जार्सिआबो आर्जेन्टिनानि नेसनल फुटबल टीमनिफ्राय आजिरा फोसावजागोन। बेनि सायाव आर्जेन्टिना फुटबल एस'सिएसनआ बिथाखौ मान होनायजौं थांखिखौ लादौं। मेसिआ सोलिफु समावबो इन्टरनेसनल फुटबलनिफ्राय



आजिरा लायाखै। नाथाय 2026 सिमआव बिथानि बैसोआ गेलेनायनिफ्राय जानगारआव थानो थिनसिगोन। आर्जेन्टिनाआ थानाय बोसोर 2022 आव मेसिनि केपेनआव फुटबल वर्ल्ड कापनि बिमुंखौ 36 बोसोरनि उनाव देरहानो हादौं। बे समाव मेसिनि टीमआ फाइनालाव फ्रान्सखौ पेनाल्टि शुटआउटआव फेजेन्दौंमोन। स्पेननि खौरलाइ मार्काआ आर्जेन्टिना फुटबल एस'सिएसननि आफादगिरि क्लाउडिड तापियानि बिबुंथिखौ लिनाय महयव फोसावदौं। खौरनि बादिब्ला, एस'सिएसननि आफादगिरिआ मेसिआ इन्टरनेसनल फुटबलनिफ्राय आजिरा लानायनि उनावनो 10 नम्बरनि जार्सिखौ आजिरा होफनायजौं बे नम्बरखौ रावबो गेलेगिरिनो गानहोनाय नंला। बे नम्बरनि जार्सिखौ मेसिनि मुडव मान होनायजौं आजिरा होगोन। मख'नो गोनांदि, मेसिआ आर्जेन्टिनानि टीमजौं अलिम्पिकआव सनानि मेडेल, कपा आमेरिका सेम्पियन्स काप आरो फिफा वर्ल्ड कापनि बिमुं देरहाखानाय। मेसिनि सिगां डिएग' माराडनाआबो

आर्जेन्टिनानि टीमजौं गेलेनायाव 10 नम्बरनि जार्सि गान्दौंमोन। आर्जेन्टिनाआ माराडनानि सायाव मान होनायजौं बे नम्बरनि जार्सिखौ 2002 आव रिथयार होनो नाजादौंमोन। नाथाय इन्टरनेसनल फुटबल फेडरएसननि गोखौं नेमखांथिनि जाउनाव थिरंथा लानो हायाखैमोन। फिफानि नेमखांथि बादिब्ला, टीमफोरा 1-23 नम्बरनि जार्सिफोरखौ गान्दौंमोनो। बेबादि थासारिआव इयुननि समाव बे नम्बरनि जार्सिखौ सोरबा सासे गेलेगिरिआ लानांगो जानानै फेनोबो हागौ। डिएग' माराडनाआ 1986 वर्ल्ड काप सेम्पियन आर्जेन्टिनानि टीमआव दडमोन। मेसिआ 2016 आव कपा आमेरिका फाइनालाव जेन्नायनि उनाव इन्टरनेसनल फुटबलनिफ्राय आजिरा लाखानायनि उनाव फिन फोथारआव आंखारफिन्दौं। 2014 वर्ल्ड काप फाइनालाव जार्मानि आरो कपा आमेरिकायाव सिलिजौं जेन्नायनि उनाव गोबाडानो मेसिखौ गेलेनायनि फोथारनिफ्राय अरायथायै जानगारसिगोननि मिजिंथि लादौंमोन। नाथाय 2016

आव आजिरा लानायनि उनाव बिथाडा फिन गेलेनायनि फोथारआव आंखारफिन्नानै बयखौबो सोमोनांहोदौं। मेसिआ आर्जेन्टिनानि थाखाय दासिमाव खेब 180 मेचआव 106 गल सोबाय। 2021 कपा आमेरिका आरो 2022 वर्ल्ड कापआव बिथाडा टीमखौ सेम्पियन जाहोदौंमोन। नाथाय 2026 फिफा वर्ल्ड कापआव मेसिनि बाहागो जागोनआ सन्देहआव दड। अब्लाबो बेनि सिगांनो आर्जेन्टिनानि थाखाय मेसिआ 2024 आव नैथि खेब कपा आमेरिकानि बिमुं देरहानो नाजागोन। मख'नो गोनांदि, थानाय माखासे सान सिगांसो 2022 वर्ल्ड कापनि समाव बिथानि गानायगं 6 जार्सिफोरखौ निलाभाव 64 कौटि शखव फानो हादौंमोन। मेसिआ खेबसे वर्ल्ड कापनि गासैबो मेचआव गल सोनाय सासेल' फुटबलार जानानै दड। फाइनालआवबो मेसिआ फ्रान्सनि हेंथायै गल सोदौंमोन। क्रि के टनि फोथारआव बिसिसिआइआ एमएस धनी आरो सचिन तेन्दुलकारनि मुडव बिथानोनि जार्सिखौबो आजिरा थांनाय बोसोरनि डिसेम्बर दानआवनो बार्सि केपेन धनीनि जार्सि नम्बर 7 खौ आजिरा होनो थांखि लादौंमोन। धनीआ गावनि केपेनआव भारतखौ 2007 आव टी-20 वर्ल्ड काप, 2011 आव वन्डे वर्ल्ड काप आरो 2013 आव सेम्पियन्स टूफी देरहाहोदौंमोन।